

山西太原原省
中醫改進研究會

民國十八年十二月

中華郵政特准掛號
認爲新聞紙類

醫學雜誌

第五十二期

南京圖書館藏

醫學雜誌第五十二期

目錄

附設醫院十八年十二月中西醫診治
人數表

專著門

靈素生理新論 楊如侯先生著
續五十一期

瘍科學 許牛新編 邵家驪錄存

病理學 時逸人編

論說門

與中醫學校當局商榷改良中醫課

程及加入學制系統事 趙公尙

識的九竅便可為中醫論 鄒趾痕

醫學進化之推測 時逸人

我對於改進中醫的意見 薛復初

纂述門

〔生理類〕

營衛釋 傅曉丞

體溫發生之原理 前人

〔衛生類〕

衛生警察十二要 楊煥文

家庭常識 沈仲圭

說無藥療病 秦國楨

〔病理類〕

鼠疫之研究(續) 時逸人

瘟疫之研究

前人

記戊辰年之黃疸症

陳賓卿

〔診斷類〕

中醫脈學大革命

仰道子

〔診治類〕

治病序例(續前)

疫症用藥法程

徐右任

治消渴驗方

張錫純

脾胃用藥之研究

時逸人

孕婦診肺攷

時逸人

豬脾治消渴之原理

沈仲圭

醫案門

醫案平議第五十期

張壽頤

第五十二期 目錄

通訊門

全國總會建設方略芻議

杭州三三醫社來函 附三一七發刊啓

全國醫會暹羅分會通告書

如皋黃星樓來函論美國亦重本草

綱目

王宇高復衛生部呈文


周小農先生來函答編輯教科商兌

書

北平鄒趾痕先生來函

星期徵稿選刊

二



傷寒與金匱皆有中風病症其特殊

之點安在試切指明之以免誤會

田爾康

惑症治法必先辨明衛氣營血而後

能識外感伏氣能識外感伏氣而

後施治不失機宜同人研究有素

試將病之在衛生氣在營在血各

現何症治宜何法分別縷述以備

治斯科者之參證 前人

編輯部啓

本會雜誌出版以來荷蒙遠近投稿珠璣滿幅光寵殊增茲當益加努力搜選精深名作以與海內共見謹標數義奉以周旋

(一) 本雜誌內容計分專著論說纂述生理病理衛生診斷治療處方藥物醫案通訊雜俎等欄


(二) 中醫以氣化見長而以空洞見病凡茲編選刊務求實在義理以不涉空泛為前提文字以鞭辟入裡為合格

(三) 醫貴實効不貴空談縱說理之津津不如實効之有味于深研學理之外尤望投實驗明確之文

(四) 關於讀書心得極所歡迎唯是遺粗取精俾足發人神智若人云亦云連篇累幅竊所不取

編輯時逸人啓

中醫改進研究會附設醫院九月份中西醫逐日診治人數比較表



秋節停診一日

本省光復紀念停診一日

國慶紀念停診一日

專著門

靈素生理新論

楊如侯先生著續五十一期

第一章 外形篇九

第十四節 論膀胱足太陽經穴

膀胱足太陽經穴。曰睛明。處面部二行。在目內眥外。眉頭陷中。手足太陽少陽足陽明五脉之會也。睛明一名淚孔。明堂云。在目內眥頭外一分。宛陽明陰驕陽驕五脉之會。曰攢竹。處面部二行。在眉頭少陷宛宛中。足太陽所發也。攢竹一名始光。一名夜。一名柱。曰曲差。一名衡。處面部二行。在髮際夾神庭旁一寸。正頭取之。曰五處。處頭上二行。在頭上。曲差後五分。去上星旁一寸半。曰承光。在五處後一寸五分。水熱穴。論註在五處後二寸。曰通天。一名天。在承光後一寸五分。旁一寸五分。曰絡却。一名腦。一名腦。一名腦。處頭上三行。在通天後一寸半。曰玉枕。處頭三行。在絡却後七分半。俠腦戶旁一寸三分。起肉枕骨上。入

後髮際三寸中。類經圓翼曰在絡却後一寸五分曰天柱處頭上三行。俠項後髮際大筋外廉陷

者中。頸之七次脈。曰大杼。處脊中二行。在項後第一椎下。去脊兩旁各一寸半。陷

者中正。坐取之。督之別。氣穴論註曰大杼督脈別絡也又海論曰衝諸骨節故骨之氣皆會於此故曰骨會袁古益曰肩能任重以骨會大杼也骨之會。難經

足太陽少陽之會也。陽三脈之會也曰風門。一名熱府處脊中二行。在第二椎下兩

旁各去脊中寸半。正坐取之督脈足太陽之會也。曰肺俞。俞音恕下同處脊中二行。在三椎

下。兩旁各寸半。對乳引繩度之。以繩度之是孫真人千金法也又甄權法以手搭背左取右右取左當中指末處是穴正坐取之

曰厥陰俞。處脊中二行。在四椎下。兩旁各寸半。厥陰俞一名厥曰心俞。處脊中二

行。在五椎下。兩旁各寸半。正坐取之曰膈俞。處脊中二行。在七椎下。去脊兩旁各寸半。

正坐取之難經曰血會膈俞滑伯仁曰膈俞足太陽脈氣所發也太陽多血又血乃水之象故曰血會又曰血者心所統肝所藏膈俞在七椎下上則心俞下則肝

俞故為血會張景岳曰穀氣由膈達於於上焦化精微為血之處故曰血會肝俞。處脊中二行。在九椎下。兩旁各寸半。

正坐取之曰臍俞。處脊中二行。在十椎下。兩旁各寸半。正坐取之曰脾俞。處脊中二行。在十

正坐取之

一椎下。兩旁各寸半。正坐取之。一云脾俞無定所。隨四季月應病。即取四藏俞。以應四

時。謂脾土寄於四時也。曰胃俞。處脊中二行。在十二椎下。兩旁各寸半。正坐取之。曰三

焦俞。處脊中二行。在十三椎下。兩旁各寸半。正坐取之。曰腎俞。處脊中二行。在十四椎

下。兩旁各寸半。前與臍平。正坐取之。曰大腸俞。處脊中二行。在十六椎下。兩旁各寸半。

伏而取之。曰小腸俞。處脊中二行。在十八椎下。兩旁各寸半。伏而取之。曰膀胱俞。處脊中二

行。在十九椎下。兩旁各寸半。伏而取之。曰中膺俞。一名脊內俞。處脊中二行。在二十椎下。兩

旁各寸半。俠脊伸起肉處。伏而取之。曰白環俞。處脊中二行。在二十一椎下。兩旁各寸

半。伏而取之。一云挺伏地端身兩手相半。重支額。縱息令皮膚俱緩。乃取其穴。曰上窮。曰次窮。曰中窮。曰下窮。並處脊中

二行。在腰四空。繆刺論註曰。上膠當踝骨下。陷中餘三髀。少斜下。按之。陷中是也。上

窮在腰踝骨下一寸。俠脊兩旁。第一空陷中。足太陽少陽絡也。腰踝骨即十六椎

之夾脊者。次窮在夾脊旁第二空陷中。足太陽所結也。中窮在夾脊旁第三空陷中。足

厥陰少陽所結也。下窮在夾脊旁第四空陷中。足太陽厥陰所結也。刺腰痛篇王註

第五十二期 專著門

四

皆云足厥陰支別者與太陽少陽結於腰踝下夾
脊第三第四骨空中即中隱下髀二穴也
曰會陽。利機處脊中二行在陰

尾尻骨兩旁闊三寸。督脈所發也。曰附分。處脊中三行在第二椎下。附項內廉兩

旁去脊中各三寸。取之正坐手足太陽之會也。曰魄戶。處脊中三行在第三椎下。兩旁

各三寸。取之正坐曰膏肓俞。處脊中三行在第四椎下。兩旁各三寸。然世人依式取之。

多不得本俞正穴。大或云膏肓俞在四椎微下一分五准微上二分兩旁去脊各
三寸四助三間脾骨之裏肋間空處容側指許摩膏肉之表筋

骨空處按之患者覺牽引胸
肋中手指痛者即真穴也其法宜正坐。豎立各膝。並緊合平。次以兩肘並齊合

緊置大腿上。其肘臂須腹貼脇。兩掌向天。並置膝蓋之上。其指尖須與膝頭齊

截。各各貼緊。不得少離。然後平肩。躬屈其身。置額於几沿之上。几沿先以布帛襯

之。即凳桌亦須量人長短高下相稱。而後穴始正。除大椎不算。數至第四椎。以食

指置中指之上。幫力揣摩。從四椎脊中徐徐用指力排分。憑五椎兩旁。自有真穴。

陷指於中。如穴生筋中者。指至穴時。重按則穴開。如穴生骨外。內覆仰者。外則指

尖推外。內則指尖推內。覆則指尖納下。仰則指尖插上。其穴自顯。加人脊椎齊直

者則穴正如脊椎歪斜者。則穴斜。脊椎曲者。則穴曲。脊椎下。則穴下。按李真

穴之處。其背俞酸快。藏府應運。如僅守五椎兩旁各三寸者。則失之矣。莊季裕葉

餘慶編輯諸法。非不盡詳。每試穴不得真。唯此一法。乃得其的。左傳成公十年秦

上膏之下。攻之不可達。之不及。藥不至。焉。杜預註。盲也。心下為膏。或曰膏連心

脂膜也。今人謂病在膏。盲為不可治之病。本此。然後人針灸。書中特拈出膏。連心

道灸之云。主治百病。無所不療。孫思邈亦曰。人唯不能揣得此穴。所以宿病難愈

若能用心求得此穴。灸之疾無不痊矣。乃當日秦緩却不知此法。豈惟秦緩自晉

以前人皆謂此穴有起死回生之妙。用殊不知病有淺深。醫有難易。淺者灸之可

曰。世人皆謂此穴有起死回生之妙。用殊不知病有淺深。醫有難易。淺者灸之可

保十全。深者亦未易為也。斯言似可。曰神堂。在五椎下兩旁。在脊三寸陷中。正

取曰譚謫。音信處脊中三行。在肩膊內廉。夾第六椎下。兩旁各三寸。正坐取之。

以手重按之。病者應手作噫嘻聲者。是穴。蓋應手作曰膈關。處脊中三行。在七椎

下。兩旁各三寸陷中。正坐開肩取之。曰魂門。處脊中三行。在九椎下。兩旁各三寸

陷中。正坐取之。曰陽綱。處脊中三行。在十椎下。兩旁各三寸。正坐取之。曰意舍。處脊中三

行。在十一椎下。兩旁各三寸陷中。正坐取之。曰胃倉。處脊中三行。在十二椎下。兩旁各

三寸陷中。取正坐曰育門。處脊中三行。在十三椎下。兩旁各三寸。又助間陷中。前與

相直正曰至寶。處脊中三行。在十四椎下。兩旁各三寸陷中。取正坐曰胞育。處脊中

三行。在十九椎下。兩旁各三寸陷中。取伏而曰秩邊。處脊中三行。在第二十一椎下。

兩旁各三寸陷中。取伏而曰扶承。一名承扶一名肉部在尻臀下。股陰上。約紋中。曰

浮郄。在委陽上一寸。展足得之。一作云屈膝得之曰委陽。在足太陽之前。少陽之後。

出於膈中外廉兩筋間。扶承下六寸。屈伸取之。三焦之合。邪氣藏府病形篇曰三焦合入於委陽甲乙

曰委陽三焦下輸膈也足太陽之別絡也。曰殷門。在扶承下六寸。謂上兩筋之間一曰委中。

在膈中與約紋中動脈陷中。委中一名血郄為合土也。曰合陽。在膝膈約紋下三

寸。曰承筋。在脛後在脚跟上七寸。膈中央之陷中。承筋一名膈曰飛揚。一名在足

外踝上七寸後陷中。足太陽絡別走少陰也。曰承山。在兌膈腸下分肉間陷中。曰

承山在腿肚下去分肉間一名肉柱一名魚腹一名腸山針經云取穴須用兩手高托按壁上兩足指離地用足大指尖豎起看足銳膈腸下分肉間取穴曰

崑崙。在足外踝。踝尖平過下一寸五分。針灸諸書云在跟骨上陷中。細動脈應於

手。爲經。火也。曰僕參。又名安邪。在足跟骨下陷中。拱足取之。足太陽陽曰申脈。在足踝下五分陷中。容爪甲許白肉際。前後有筋上有踝骨下有軟骨其穴居中即陽蹻脈所起也。曰金門。一名闕梁。在足外踝下一寸陷中。邱墟後申脈前足太陽郛陽維所別也。曰京骨。在足小指外側。本節後大骨下。赤白肉際陷中。可按而得之。小指本節後大骨名京骨其穴在京骨之下因名之爲原。土也。曰束骨。在足小指外側本節後。赤白肉際陷中。爲俞。木也。曰通谷。在足小指外側本節前陷中。爲榮。水也。曰至陰。在足小指外側。去爪甲角如韭葉。爲井。金也。以上計六十二穴。

至陰穴。在足小指外側。爲陰之極地。太陽之陽。根於水陰之中。故其經亦起於至陰。睛明穴。在眼之大角。而與陽明相交。故稱睛明。以見太陽之氣。至頭面而極盛也。膀胱與胞相連。而胞膜著於腰下十九椎旁。故其穴名胞育。育之原。根於腎系。上生肝系。在十三椎旁。因名育門。有育即有膏。膏生於脾。而內護心。外會於脊。與育相交。在第四椎旁。因名膏肓。此太陽與心相會之穴也。魄戶在三

椎旁。肺藏魄。而合於太陽。故名魄戶。觀此經穴。而知氣之相通矣。

瘍科學

許氏原本續五十一期

邵家驥錄存

連喬消毒飲

連喬

天花粉

穿山甲

甘草節

銀花

皂角刺

土貝母

燈心

右爲主方

疎風解表。加防風、羌活、荊芥、紫蘇、陳皮、乾葛、枳殼、蔥頭、生姜、煎服取汗。如餘腫未消。服敗毒散收功。冬令取汗。佐以麻黃。其效尤速。又有不可汗者。如新產婦人。久病氣虛。及血症。久患瘡疽者。若汗之恐變痙症。

溫經通絡散寒。加乾姜、官桂、羌活、寒甚用熟附子。臂受寒。用桂枝。腿足受寒。用肉桂。頭痛惡寒無汗。脈浮緊。加麻黃、紫蘇、生姜、蔥頭。取汗得汗。換敗毒散。以善其後。本方三桂。只宜用一。若口舌作渴。瀉痢瀉資。手足心熱。不可溫經。恐助火爲害。

消暑清熱。加香薷、黃連、白朮、豆花、厚朴、薄荷、甘草、水煎貯瓶內。單油線紮好。沉井水中冷飲。此即香薷飲舊製。不用白朮人參者。以其為排膿托裏之藥也。若夏月身熱無汗。兼惡風者。暑月感寒也。不可用此寒劑。

滲濕行氣。加蒼朮、羌活、澤瀉、木通、腿足加苡仁、防風、濕熱加龍胆草、皮膚濕毒加白鮮皮。若見津虛血少。不可過服此燥藥。

滋陰潤燥。加當歸、麥冬、熟地、核桃仁、杏仁。欲生津加生地、麥冬、山藥、山萸肉。若脾虛泄瀉者。禁服此滑潤之藥。

驢按腦疽發背潰後。五臟易於變端。以肝脾腎為甚。欲滋腎而不滑。健脾而不燥。泄木而不瀉。擬一統用方如下。

- | | | | | | | | |
|----|----|-----|----|-----|----|-----|----|
| 黨參 | 二錢 | 焦山藥 | 五錢 | 生白朮 | 六錢 | 北五味 | 八分 |
| 雲苓 | 二錢 | 炙龜板 | 四錢 | 炙草 | 五分 | 燬龍骨 | 四錢 |
| 熟地 | 四錢 | 燬牡蠣 | 四錢 | 炒白芍 | 二錢 | 紅棗 | 二枚 |

第五十二期 專著門

十

炒當歸

二錢

炙龍甲

五錢

清火涼血。加當歸、赤芍、丹皮、生地、黃連、黃柏。甚加青黛。若發熱惡寒。不渴。瀉清者。勿服。只用柴芩和之。

豁痰理氣。加半夏、前胡、橘紅、枳殼、厚朴。風痰。用南星。火痰。用黃芩。濕痰。用蒼朮。鬱痰。用貝母。老痰。用瓜蒌霜。痰在經絡中。用姜汁竹瀝。痰在膈下。用白芥子。若唾咯中不見痰症。勿用消痰藥。

流氣散腫。加黃耆、木香、香附、昆布。脉沉細。其症虛弱者。再加人參、白朮。若脈弦實而胸腹痞硬作痛者。用勿。

活血消瘀。加當歸 川芎 赤芍 紅花 桃仁 泥少佐官桂。飲酒杯許。如嫩腫赤焰。乃火色。非瘀血也。

勿用行血之品。

以上諸款。對病之藥。加入主方。水煎服。

敗毒散

連喬	三錢	角刺	一錢	白芷	一錢	當歸	二錢	陳皮	錢半
花粉	三錢	燈心	一團	銀花	三錢	甲片	錢半	川芎	一錢
赤芍	二錢	甘草	八分	黃芩	錢半	水煎服			

驪按。背上癰疽。屬太陽經多。未成膿時。宜解毒發散。以羌活為君。防風。紫蘇。獨活。金銀花。當歸。川芎。姜蚕。蟬衣。皂角。灸甲斤。白芷。為佐。加葱頭煎服。

既成膿後。宜護心託裡。以羌活為君。黃芩。白朮。茯苓。當歸。川芎。銀花。連翹為佐。送下蠟礬丸二錢

〔引經藥〕

如上搭手加升麻。下搭手加酒炒黃芩。對心發。加大劑麥門冬以護心。癰疽已潰。以大補氣血為主。黃芪。當歸。為補氣血之君。又人參。甘草。白朮。地黃。白芷。等為佐。加糯米一撮。大棗十枚煎服。

（驪按。浮萍草可治無名腫毒。）

托裏

腫陽數日。失於消散。腫痛日增。按之堅實。推之不動。其熱烙手。皮色變赤者。毒氣已結。宜用托裡法。東垣云。毒氣已結者。不可論內消。急用托裡之法。使無變壞。若失於托裡。則毒邪蘊蓄於內。勢必內潰。輕則腐筋爛骨。重則透絡攻腸。致成惡症。悔已晚矣。蓋托裡之藥。無非補益其裡之本元。出毒於肌膚之表。使病邪發洩於外。欲其速潰速斂之義。此乃保全終吉之良摸。是故癰疽發背。悉宜托裡。瘡癤疔毒。惟宜清涼。莫能或改也。

黃耆托裡散

- | | | | | | | | |
|-----|----|-----|----|-----|----|-----|----|
| 生黃耆 | 二錢 | 全當歸 | 二錢 | 大川芎 | 一錢 | 甘草節 | 八分 |
| 金銀花 | 三錢 | 皂角刺 | 二錢 | 連翹殼 | 二錢 | 製天虫 | 二錢 |
| 土貝母 | 二錢 | | | | | | |

右為主方

如腫塌色昏。皮膚乾澁。脈大無力者。血少也。加熟地。腫色暗紫。脈來滯滯者。瘀血凝滯也。加紅芍。腫頭平塌。色虛軟。脈細無力者。氣虛也。加黨參。堅硬如石。色白脈沉弦急者。氣鬱結滯也。加木香香附。肌寒肉冷。脈遲緊者。虛寒也。加干姜。甚則加附子。腫色焮赤。煩熱口渴。脈來洪數者。實熱也。加麥冬燈心。此溫能除熱之法。凡瘡腫起發之際。忌用寒涼汗下。以上各條。隨症加入主方。水煎服。

排膿

排膿一法。與托裏類同。欲其潰破出膿之意。如三七日。其膿未熟者。陰血衰而陽氣弱。不能化毒成膿也。此犯起發而不潰膿之惡候矣。急須大補其氣。以排其膿。如用排膿藥後。察其腫畔焮脹漸消。腫頭起泡。或薄皮掀起。膿將潰矣。以指按其腫上。鬆軟其膿已熟。膿淺者。咬頭膏貼之。膿深者。必須刀法開之。又有膿聚搏骨。年月不潰。按如鼓革。堅厚約有二三寸許者。必用燔針烙之。若誤用刀開。則膿不

洩而血出不止也。慎之。又有內疽一症。根附內膜。腫頭反向腹裏。須服代針丹。發出其頭。然後用針刺破。取膿蓋膏。膿盡乃愈。

白芷排膿散

白芷 連翹 銀花 黃耆 白朮 茯苓 甘草 熟地 當歸 川芎

白芍 角刺 甲片

加生姜 白米 水煎服。如見兼症。照托裏條下加入。

代針丹

皂角刺 焙 穿山甲 土炒

右二味等分爲末。用自出蛾繭殼。不拘多少。燈上燒炭存性。振息其火。每一繭末灰作一包。不可雜和。將飯粘。同前二藥研勻。分作芡實大塊子。每一塊合入繭灰一枚。乳香細末爲衣。溫酒送下一丸。病在上下部位。分食前食後服之。服後腫處即發膿頭。或兩丸同服。即發雙頭。其驗可代刀針。

脫腐

陽症皮膚不傷膿成潰通一竅。此六腑之積毒也。陰症平塌根散。外皮先破。內膿遲熟。肌表腐爛。頭如堆粟。孔如蜂窠。皮如爛綿。腥水淋漓。穢氣觸人。浸潰不止。此五臟積毒難治。凡見此症。宜用脫腐法。薛立齋云。腐有凶如狼虎。毒如蜂螫。緩去之。則戕賊性命。有浮肉其內已浮。外皮焦乾。狀如痂。不能脫落者。外同藥水浸潰。用刀鈎方法取去。內服脫腐平肌飲。

脫腐平肌飲

黃耆 茯苓 熟地 川芎 白芷 白朮 甘草 當歸 羌活 銀花
 連翹 加生姜三片 白占米一撮 水煎服如神虛脉弱者加人參 肌寒
 肉冷者加官桂 痛加乳香 中氣不利者加香附 口乾心煩者加麥冬丹皮柏子仁燈心 兼服

蠟礬丸

生肌

第五十二期 專著門

十六

生肌收斂之法。務在補脾助肺。蓋肺主皮毛。脾生肌肉。故用白斂補中湯。外搽生肌散。又有瘡口浮肉。翻出不收口者。搽平奴肉丹。有收口之後。患處搔癢者。血氣將和也。或愈後患處結硬不消。按之不痛。此非毒也。肌肉虛鬆。氣虛所滯也。大補氣血自愈。

白斂補中湯

白斂 熟地 川芎 香附 炙 甘草 五味子 黃耆 當歸 山查

生姜 百合 白朮 白芍 連翹 大棗 水煎服。如久潰不斂。肌寒者。

加 官桂 新肉暗紫。加 紅花 肉色赤澀。加 丹皮 雖有餘熱。忌用寒涼。未完

病理學

續五十一期

理事 時逸人

第二篇 病理原因學

疾病為生活狀態之變象。所以致之者。是曰原因。如中說之內傷外感。西說器械之戟刺。及寄生體之肆虐等類。但原因未必皆足致病。蓋人體內。自具有維護康

健調節之機能。對於保護工作。及反射作用。稍有欠缺。即發生病症。惟是調節機之定限。又不能完全一律。決無差異。此病原所以有素因與誘因之辨也。

〔一〕素因

素因。即易感病症之體質。分晰而言之。有先天。後天。通性。之三區別。稟受父母之遺傳者。爲先天素因。感受于有生之後者。爲後天素因。混合于二者之間者。爲通性素因。〔一〕先天素因。稟受父母之遺傳。如父或母。爲肺癆質。其所生子女。必多肺病。易成肺癆。有梅毒者。其子女。先天梅毒之素因。尤多發生結毒之症。他若顛癇。神經衰弱等症。多有遺傳于子女者。此謂之爲先天素因。〔二〕後天素因。感受于有生之後。如酒客之胃病。烟質之肺病。由嗜好所造成。此亦後天素因之一。他若外界之事物。防禦失宜。則體中抵抗病原之力薄弱。因而易受外因之癆病。如多汗之人。易于傷風。性躁之人。易成腦痛。此謂之後天素因。〔三〕通性素因。混合于先天後天二者之間。不盡屬於父母之遺傳。亦非完全由於平素之習慣。有

混合之性質。故稱爲通性。例如肺熱之體。易患肺炎疫。濕重之體。易患虎列拉。血熱內壅。精神鬱結之人。易患鼠疫。津液虛弱。邪熱壅遏之症。易成白喉等類。此謂之通性素因。

(二) 誘因

〔甲〕 外因。疾病由外界種種之刺戟而起者。爲外因。如古說所謂五運六氣。四時八風。跌打損傷。虫獸嚙咬。中毒自害。傳尸鬼症是也。新說所謂理學的刺戟。化學的刺戟。寄生物。酸素吸入。停止或減少。食物缺乏。職業及習慣。動作。衣食住。土地等關係是也。亦有言及關於四季及氣候者。而理學的刺戟中。又別爲局所。組織變化物。侵害神經系。及心臟物。自家中毒等。寄生物中。又別爲原始動物。內臟虫。節足動物。細菌等。茲將兩說之各外因。更分析述之。

古說

一 五運六氣

中國昔時醫學已分兩派。一爲擁護者。謂不明五運六氣。揀遍方書何濟。一爲反對者。謂運氣實不足憑。攷古時立運氣之名義。以天地之運會。無從攷証。乃以天干列爲五運。地支列爲六氣。分別司天在泉。主氣客氣。勝氣復氣之異。以研究病情傳變。近代醫家。以昔日運氣所發揮之道。爲空氣中成分變化之代名詞。以此意而推闡之。則其說瞭然。無庸以攻抵前人爲事矣。

二 四時八風

春溫、夏熱、長夏濕、秋涼、冬寒。爲四時之變易。此指溫帶而言。若寒帶之四時皆冷。熱帶之四時皆暖。則不在此例。古醫以春傷于風。夏傷于暑。秋傷于濕。冬傷于寒。爲四時所傷之病。自喻氏以長夏傷于濕。秋傷于燥。惟火字仍無着落。乃以火氣游行于間。此四時支配六氣之大概也。

靈樞載八風所傷之病。爲四正四隅所發之風。以四季之時令參攷。分賊邪、虛邪、寔邪、正邪種種之名稱。古人視爲正當所不移者。今日已無存在之餘地。又古醫

以風爲百病之長。此指空氣而言。言病菌藉空氣之傳播也。風者善行而數變。此指疾病有傳染性者而言。中醫亦以風內從虫爲有微生物之表示。

三 跌打損傷

此四範圍甚廣。因古說尙簡。實包括新說所謂器械的刺戟、理學的刺戟、化學的刺戟等。又中國古醫。以此項列入不內外因。不知跌打與損傷。實外因也。古醫惟以六氣爲外因。故範圍不廣。

四 虫獸嚙咬

如癩狗咬傷、蛇傷、蜈蚣蝎毒等傷。古書雖不言其爲病因。僅于驗方書中言其病狀治法而已。然細繹之。實于外因上占一大部分之病也。新說于此數項。亦多挂漏。

五 自害中毒

中毒謂誤食有毒之物。如河豚魚與荊芥同食。及柿蟹同食等是。自害卽自殺。俗

所謂尋短見是也。凡自縊、自服鴉片等皆屬之。然兩項尙有分界。如服毒食物。卽在中毒範圍內。若自縊。則爲器械的刺戟是也。又新說凡中毒証。必冠以某物字樣。如鴉片中毒、水銀中毒等是。似較古說爲詳。

六 傳尸鬼症

新說于寄生體一項。論細菌爲疾病之原因甚詳。然中國于數千年前。早有傳染病之論調。卽傳尸鬼症是也。其曰以其初得。半起半臥。名曰殭殍。氣急咳者。名曰肺痿。骨髓中熱。名曰骨蒸。內傳五臟。名曰伏連。同族傳染。乃至滅門。是則以傳尸爲病之總名。而以殭殍、骨蒸、肺痿、伏連。爲其部份証候之名也。嚴用和濟生方。其論勞瘵之症。曰夫勞瘵一症。爲人大患。凡受此病者。傳變不一。積年染病。甚至滅門。大抵合而言之曰傳尸。別而言之曰骨蒸、殭殍、伏連。尸注于此可見中醫于數千年前。無科學器械之補助。而能得結核傳染病之真諦者。詢先民之偉識也。未完

論說門

與中醫學校當局商榷改良中醫課程及加入學制系

統事

趙公尙

自西醫某氏及對中醫加入學制系統以來。中醫在社會之地位。頗受影響。中醫界爲爭存計。惶惶然羣起自救。奮發抗爭。不遺餘力。或列舉中醫之長。認爲有哲學之價值。或揭發西醫之短。詆爲機械之工人。此種文字。報紙雜刊。層見疊出。藉以喚起國人之同情。促進教育當局之反省。且創立中醫學校。樹立根本。改造之。高矢。意至善也。無如反中醫者。挾其雷電風霜之氣。以相抨擊。指摘中醫。爲漫無系統。不合科學之學問。無一醫書。足與科學書藉比肩並立。大有非顛撲中醫不止之勢。言雖不無過當。要亦有片面之理由。平心而論。中西醫學。各具特長。惟因各個環境之不同。而形成各別之造詣。果中醫毫無所長。何以四百兆同胞。有今

日之繁殖。果西醫絕無所短。何以西人疾病天殤者。時有所聞。是知學術經過相當之時期。建立相當之信仰。決不能謂絕無缺點。更不能謂爲絕無所長。若夫因噎廢食。一概抹殺。魯莽滅裂。徒爲明哲笑耳。况社會有中醫長於內。西醫長於外之常談。此言亦非毫無根據也。

然而中醫本身。亦應乘時改進。釋善而從。當此二十世紀。任何學術。均宜合乎科學。以適應世界潮流趨勢爲要素。順之則存。逆之則亡。公例彰彰。斷難倖免。中醫界際此潮流震盪之秋。反中醫者風起雲湧。使非自動改進。成爲世界公認之新中醫。則加入學制系統。終必無望。政府既不認中醫有教學之價值。即可隨時取締中醫學校。換言之。即可隨時消滅中醫。近來中醫革命之呼聲。雖有所聞。然考其成績。尙難多觀。予以爲中醫欲望列入學制系統。以圖自存。必自改良學校課程始。蓋人之所以敢出而反對中醫者。實以有隙可乘耳。使中醫學校。能從事於課程改良。則將來學術日進。彼反對我者。亦將無所置喙矣。故對於改良課程之

方法。覺有討論之必要。

醫之所以爲醫。在能愈病。而愈病之要素。在乎方藥之效不效。理論不適用以說明病理。及方藥所以奏效之由。夫中醫之實質。爲歷代相傳之驗方。所謂理論。特其附屬者耳。反中醫者。以五行六氣等說。爲攻擊之資料。不過批評中醫附屬之理論部分。而於中醫實質之驗方。固未嘗有所訾議。况理論不能治病。卽有未能盡善。亦第說明之不正確。而方藥靈應如響者。於醫之實質。固尙有存在之價值。中醫方藥之應效者。莫不合乎生理之組織。適應病理之要求。間有不合之方案。均係後人謬撰。而非真正驗方。果能除去虛玄之理論。改以科學之說明。則中醫列入學制系統亦自易易。

我中醫不欲圖存則已。若欲圖存。則後列數項實爲目前救急之工作。

一 矯正與科學不合之理論

陰陽五行六氣諸說言之一若有物。證明實難其選。閉關以前。惟我獨尊。醫者用

以欺無識之小民。文人竊以自娛則可。通商以後。與西醫遇。相形見拙。招非難者。在此。不能列入學制系統者在此。馴至搖動中醫根本之存在亦在此。中醫學校。爲中醫革新之根本地。提倡科學化之中醫。預爲他日加入學校系統之準備。自應將此種虛玄召謗之理論。一律勿予重視。另闢新境。嘉惠將來。然後浮說既撤。眞實乃見。學者耳目。庶不爲蔽。願有少數醫家。以爲輕視五行六氣諸說。卽無異根本推翻中醫。揣其用意。約有二因。一爲錯認中醫之本質。不知中醫之實質。爲歷驗不爽之效方。而非五行六氣等虛說。去之於中醫之本能無損。一爲一旦喪失其所長。不免發生恐慌之象。蓋食古不化之輩。其歲月多消磨於五行六氣之中。今忽認爲無用。誠恐影響其生業。不知學者。乃習效方以治病。非徒讀虛玄理論以炫博。教師。但教以有效之方。使之學適其用爲已足。安用此虛無縹渺之說。消惑心志。阻其前進乎。且也人方乘機肆逞。欲取而代。倘復頑固不改。任人譏議。坐視中醫不能列入學制系統。中醫瀕於危境。曾不稍動其心。是無異逼與中醫。

歸於淘汰。果有抱此自殺政策者。祇可退而自修。豈能任其濫開教席。自誤誤人耶。

二 打破以醫學爲文學之觀念

文學文字。與科學文字。在今日之中國。各有不同。文學文字。務爲修飾。科學文字。則重系統。與條理。以期適應普通之要求。我國現有中醫書籍。大都出於文人之筆。字句競求艱深。表現文學之高古。造成貴族式之著作。固未常爲普通人計也。積而久之。非士大夫不能讀其書。通其道。除通都大邑。有少數能習其書外。業醫者。文字智識。類多淺陋。錯解誤用。而殺人者。不知凡幾。至於囫圇吞棗。貽誤後世。尤不可不急行破除此觀念也。

三 化除迷信聖人及護短自封之陋習

軒歧仲景諸人。固值吾人之崇拜。然而是非良窳。自應分別鑒定。不可過度崇拜迷信。流有聖人之奴隸。且學術因時代而變更。係進取的。而非保守的。若必以聖

人之言。一字一句。盡量保守。引爲翼經衛聖。終身守持內經、難經、傷寒論等書。不敢證明其是。而挾去其非。故步自封。甘於謗陋。則中醫永遠不能進化。質言之。中醫不但永遠無加入學制系統之望。恐且自速有滅亡。以上三端。立言或有未盡。要旨歸於救亡。茲將對於改良課程。具體之意見。作簡單之敘述。分應與應革兩部。彙陳於後。

應行改革之事項

1. 將無法證明之五行六氣諸說。視爲副學說。或編入古醫學或醫史內。僅供稽攷。

2. 將古書內經、傷寒論等書之錯誤部分。斷然刪改。

3. 醫學所用文字。應用現代最普通者。及標點符號。

4. 盡量吸收西醫之優良。如救急法。及特效藥等。

總之。中醫處此存亡危急之時。一方盡力去其缺點。使人無可議之實。一方盡量

增益其特長。充實本身之實質。不數十年。中醫不難爲世界所共認。人將翹然就我。庸復能擯於學制系統之外乎。區區爲中醫爭存之心。爲學校爭入學制系統之念。沸騰於中。激發於言。全國中醫學校當局。不乏實心改革之士。幸即改弦更張。是所厚望。若必務仍舊貫。視改進爲多事者。則請列舉理由。詳加解說。予願執筆以待。

識得九竅便可爲中醫論

鄒趾痕

民十年。余作今中國無中醫論。載在天年醫社日記中。所以貢獻於社會者。於今八年矣。由今觀之。崇余之說者。百之一二。直余之說者。百之十。其不直余之說者。乃百之八九焉。徐而察之。詳而究之。乃知其故。其崇余之說者。皆躬入軒岐仲景之堂奧。目觀其美富之真中醫也。其直余之說者。皆景仰軒岐仲景之美富。求其門而未得之。有志於中醫者也。其不直余之說者。皆不知軒岐仲景之門牆所在。而以搖鈴營業之技。擁蔽聖學。假冒中醫者也。夫真中醫。必知九竅之所以然。彼

假冒中醫者。當一竅而不通。余是以有識得九竅。便可爲中醫之說。且將以此作真中醫與假中醫之試驗題也。客有踵門而馳其辯曰。九竅者。上七竅。下二竅之謂也。知之何難。且我中國有光明眼藥。以醫目病。有通音丸。以醫耳病。有吹鼻散。以醫鼻病。有滾痰丸。稀涎散。京半夏。蛇胆化紅。以醫欬吐痰涎之病。有蜂蜜。菴蓉。以醫大便病。有導水。分清。以醫小便病。九竅洞悉。九竅之治法咸備。子烏得以中國無中醫之說欺人耶。余曰。客之所謂識九竅也。止此乎。抑更有進者乎。如其止此也。便已試得。客非知中醫者矣。客曰。是何言歟。子將以不知中醫貌某耶。且某之以中醫名世也久矣。巨商達宦。迎診就診者。絡繹於道。此豈不知中醫者。所能希冀乎。余曰。誠如客言。客可爲營業之醫。大凡營業之醫。皆假冒中醫之名。以達其營業之目的。其胸中乃毫無中醫之學識者也。客愠然作色曰。子之試題。以識得九竅。便可爲中醫。今某九竅洞悉。而仍以不知中醫辱之。子烏足以服某乎。余曰。客請勿以意氣凌人。客既自詡爲識得九竅矣。余將有以難之。客其許我乎。客

曰。可哉。余曰。目鼻皆雙竅。口與二便皆單竅。此何理也。客默然有問。應之曰。此不關醫理之事。非某之所敢知也。余曰。此學中醫者。入門之要義。烏得謂不關醫理之事。客既不知。余請爲客陳之。夫九竅者。乃天地生人之妙用。養聖早洩其秘。惟我醫聖能闡明之。夫目耳鼻。皆雙竅者。坤卦也。口與二便皆單竅者。乾卦也。乾。天也。坤。地也。地。在天之上者。地氣上升。而成目耳鼻也。天。在地之下者。天氣下降。而成口與二便也。夫天尊地卑者。天地定位也。天氣下降。地氣上升者。天地交。而成地天泰也。泰者。通也。是故目耳鼻。皆地之竅。而皆通乎天氣。口與二便。皆天之竅。而皆通乎地氣。何謂天氣。寒暑燥濕風五氣是也。天以此無形之五氣養人。從鼻而入。內行於心肺。上遊乎目耳。仍從鼻竅而出。何謂地氣。酸。甘。苦。辛。鹹。五味是也。地以此有形之五味養人。從口而入。容於腸胃。化津液。變氣血。營養乎五臟。遍溉乎皮脈。肉。筋。骨。四。肢。百。骸。熟腐糟粕。泌別清濁。從二便而出。故陰陽應象大論曰。陰味出下竅。陽氣出上竅。又曰。天地者。萬物之上下也。陰陽者。萬物之能始也。故

天有精。地有形。惟賢人上配天以養頭。下象地以養足。中傍人事以養五臟。六經爲川。腸胃爲海。九竅爲水注之氣。客不知九竅。焉得知中醫。如客所云。光明眼藥。果能明一目否耶。通音丸。果能聰一耳否耶。吹鼻散。果能通一鼻否耶。滾痰丸。果能止一刻否耶。菴蓉導水。果能通二便否耶。凡此一切通套。輕巧掩耳盜鈴之劑。以之營業。則擅長。以之愈病。則不能。客但展拓客之營業耳。慎勿言中醫也。客無以應。默而退。未完

醫學進化之推測

己未年舊稿

道學 時逸人

上古民風純樸。故可移情變氣。祝由而已。降及後世。民智日開。風俗日薄。四方異治。自昔已然。故或用刀針。或用湯藥。或用砭石。漢晉而後。專尙湯藥。唐時千金外台。雜收金石。宋時潔古東垣。概投升補。金元戴人河間。憤喜攻下。明代丹溪元禮。力主滋陰。而立齋景岳輩。矯其偏者。又以溫補從事。醫學之變遷。於斯蓋六次矣。流弊所趨。議藥是其慣技。邪說最足誤人。有清醫藥。號稱極盛。復古派。以黃至揪。

張隱菴、高士宗、喻嘉言、徐洄溪、柯韻伯、陳修園諸人呼聲爲最高。惟其時正值少陽相火司運。接陽明燥金司運。燥火之炎威肆虐者。百有餘年。舉舊日通行之醫學。無所用之。宗東垣者。宗丹溪者。宗河間者。宗潔古者。無不所如。蔽阻醫學變遷。於斯爲盛。於是葉香巖氏。應運而興。法取清靈。方求平淡。桑菊、銀翹、牛黃、柴雪。信手拈來。隨筆而下。創爲溫邪犯肺。逆傳心胞。以自神其說。複有章虛谷、王孟英、吳鞠通等人。承波揚流。力遵葉氏。與仲景並列。爲前後二聖。中國醫學。爲葉派所包辦。蓋百有餘年。無平不陂。無往不復。物盛則變。理之常也。論氣候之變易。頃者已交中元甲子。爲太陽寒水司運。補偏救弊。宜取傷寒金匱爲上乘法程。彼葉派之輕描淡寫。將歸天演淘汰。此乃醫學進化之預言。非復古運動也。謂余不信。請姑待之。

四川天年醫社。爲時方革命。專尙經方。說者曰。任誰一派。不能包治萬病。余意以治病之藥爲主。通套酬應。敷衍之方。皆在棄置之列。古方今用。翻陳出新。恰當簡

明。效如桴鼓。醫學前途。當可進步矣。

我對於改進中醫的意見

理事

薛復初

（一）導言

現在正是取締中醫的聲浪。陡起陡落。常往我們耳鼓裡刺進的時候。在政府方面說。雖不是熱烈的積極進行。總算是還在醞釀時內。並無打銷取締中醫的原意呢。在作中醫的方面說。不得不急起圖存。赶快爲自身謀一立足點。是爲目前最要的一步工作。俗云。受一層挫折。長一層智識。又說。經一番打擊。起一番興奮。大凡世界上的人。苟非冷血動物。誰能逃出這兩句話的原則呢。故自從前歲中衛會某委員。提出廢止中醫中藥案。及節制設立中醫校醫院。並剷除一切中醫學說的出版物等案後。一時惹起全國輿論沸騰。各處團體之組合。紛紛響應。雖庸夫愚婦。亦莫不怨聲載道。試推厥原因。其故維何。亦莫非中醫學的命脈。與夫國計民生的命脈。有連帶關係而已。是以影響所及。咸共不謀而合。此誠世道人

心之自然。甘願與之奮鬥的。於此全國代表聯合大會。得予開幕。繼而請願團的結果。行政院准予備案。廢止中醫的提案。衛生部暫予置擱。此其臨時奮鬥告一段落。僅僥倖一時者耳。然亦公理的作用。良心的結果。國人血氣的結晶體。換來的些許成績。吾人苟欲保障此一度的成績。俾臻鞏固。究應採用何種方法。纔可造成鐵血式的防線。砥柱式的立足點。亟願與海內同志。提出來討論一下。

〔二〕方畧

〔甲〕積極方面的工作

〔1〕精神上之團結 先由全國醫藥總聯合會。拍發通電。要求各省市縣已經成立之醫藥團體。或學校。及類同的機關。一致聲援。繼而在出版刊物上。互通聲息。一面由各醫藥團體內。推出一部分熱心同志。組織「整理中醫委員會」。負責進行一切勵精圖治的計畫。然後由此種整委團體中。研究所得的結果。一呼百應的羣起進行。進一步。則復由整委團體的中堅人材。推出代表團。備作政

府方面的交際人選。亦即我中醫同人的基本軍隊。換言之也。就是我們的政治先鋒。此為積極工作之第一計畫。

〔2〕宣傳上之擴大。繼由各省市縣。已有的中國醫藥學校及其他中醫團體。推出一部分熱心同志。組織「提倡中醫建設團」。各向就近未經成立醫藥團體的省市縣區。負責提倡。只求先有醫藥團體之建設。而後再有全國一致的出版刊物。次第推行。進一步。則復由此種提建團體的中堅份子。推出講演人選。備作民社方面的宣傳人材。然後向各縣市區村。凡有中醫中藥關係所及的地點。施以淺近通俗的演說詞。其目的在喚醒民衆。及一般睡夢中的藥商。發生澈底覺悟。而後全國藥商。一致聲援。自然我們中國醫學的命脉。纔能延長。我們政治的先鋒。纔有後盾的救濟能力呢。此為積極工作之第二計畫。未完

寄售 醫書

初等診斷學 每部二册 定價一元

實售八角 郵力外加一角一分

纂述門

(生理類)

營衛釋

名譽會員 傅曉承

吾人生理之固流活潑。機巧神明。五官供其用。百體效其靈者。是何物使之然也。曰惟氣血循環而已。氣之別。有腎間動氣。有膻中宗氣。而衛居其一焉。血之別。有動脈血。有靜脈血。而營居其一焉。營衛者。有氣血之實。而不居氣血之名。換言之。卽氣血所呈之功用。經曰。人受氣於穀。其清者爲營。濁者爲衛。此指營衛生化之原因。吾人食料。以五穀爲主要成分。五穀之生長。實受風日雨露之精華。加以人工之糞溉耘植。故含養分極富。經消化系之分解。迺發生二項作用。望養氣之純全者爲營。養氣中雜有炭氣者爲衛。故曰飲食入胃。奉心化赤而爲血。得下焦元陽蒸發。而化爲氣。卽此是也。經曰。營行脈中。衛行脈外。此指營衛循者之路徑。脈

者何。卽上下縱橫之血管也。在西人則曰動脈管。靜脈管。微細血管。在我國則曰經脈。絡脈。孫脈。其名雖殊。其用實同。由此觀之。脈中惟有血液。固無所謂營也。而不知營也者。卽血之精氣也。有此營氣。則血之運行中和條暢。莫或稍愆。血就體言。營就用言。故淤血。濁血。則不得謂之營矣。衛也者。卽一種慄悍之氣。富有抵抗力。而衛外爲固者也。故行於脈外。溫肌肉。肥腠理。薰膚澤毛。走達四末。以衛周身。經曰。營衛周流。五十度而復大會。陰陽相貫。如環無端。此指營衛循環之定率。可參西說以明之。按心臟爲血液循環之原動機關。其左右心房。與心室。具有收血發血之機能。血液自微血管。供給養氣於組織中。吸收炭酸氣。於是動脈血。變爲靜脈血。靜脈血自右心室。經肺動脈。流至肺胞壁之微血管時。卽將所含之炭酸氣。放出。同時將肺胞內空氣中之養氣吸入。於是靜脈血。又一變而爲動脈血。經肺靜脈而流至左心房。由此種氣體交換。而血液前之由鮮紅而變紫者。至此始由變紫而復爲鮮紅。均以肺爲中樞。由是可知。營衛交會於手太陰肺之義。燦然

明矣。因得而斷之曰。營者。血液中之精氣。殆即西人所稱之血球。衛者。氣體中之悍氣。殆即西人所稱之淋巴液。營病則貧血。鬱血。血痺等症作矣。衛病則發熱。寒。身疼等症作矣。營盡守護之責。衛具捍禦之功。營爲後援。而衛爲先導。營以滋養百骸。衛以撲滅微菌。營衛之有關係於人身也。大矣。

體溫發生之原理

前 人

原吾人之所由生。空氣與穀氣二者。實相爲用。入窒塞之室。則呼吸困難。不逾日而死。處飢餓之鄉。則營養缺乏。不逾旬而死。然此乃淺而易見者。若夫體溫之發生。尤賴空氣穀氣之生化。茲爲詳晰其理。空氣中之氧氣。經呼吸系之吸收。穀氣中之養氣。經消化系之溶解。遂並隨血液以循環。既與血液中之炭質相遇。乃起化合生熱作用。由是而生體溫。其炭質之氯化。實與薪柴油燭之燃燒相同。然體溫高漲則爲熱。低降則爲寒。必保持平均之態度。〔在攝氏寒暑表三十六度半。至三十七度之間。〕始爲無病。然所以能保持其常態者。又賴人體中之調節機

能。以調劑之。譬如盛暑之秋。外界氣溫驟漲。則皮下血管擴張。汗出津津。以放散多量之體溫。嚴寒之際。外界氣溫銳減。則皮下血管收縮。腠理固密。以保留因有之體溫。否則夏日蓄溫過多。而患熱症。冬日保溫不足。而患寒症。是體溫之變化。隨四時節候爲轉移。乃吾人生存之本也。

(衛生類)

衛生警察十二要

一要宣傳衛生

我國人素不講求衛生。這是無可諱言的。推究其故。多因不明白衛生和其重要的意義。以致一舉一動。多與衛生原理相違背。因而害及公衆的衛生。衛生警察的職務。最重要的。就是在宣傳衛生。隨時隨事。務使人人明白了解。則自能按照衛生法規。見之實行。衛生行政。易收圓滿的效果。如遇有妨害公共衛生的行動。應當和藹勸導。詳細說明利害。就沒有不願改的。衛生警察公務之暇。并應研究

學問。以求與公共衛生事業發達。並增進才能。方有指導民衆的資格。

二要保持清潔

我們講求公共衛生。要以清潔爲第一步辦法。因爲「物理的清潔」與「生物的清。潔。」有密切之關係。清潔有益於健康。並可減去傳染病的散播。如垃圾、穢水、便溺、種種骯髒的東西。應按部頒污穢掃除條例。隨時督促人民。妥爲處置。毋使隨意拋棄。至於公共場所。爲衆人聚集的地方。最易不潔。尤應負責之人。勤加掃除。以保清潔。

三要預防傳染

防疫爲衛生行政最重要之一部分。現在國人對於傳染病的原因。並其傳播的方法。多不明瞭。甚有根本不信「微菌致病」的學說。因而不但不能預防於前。並且一人患病。處置不當。以致波及社會。故衛生警察。一遇傳染病發生。應當一面報告長官。一面並監督患病者的家屬。實行隔離、清潔、消毒、方法。同時並調查此

次傳染病發生的來源。以爲根本預防的計劃。至於保護飲水。撲滅蠅蚊瘋狗。和其他傳染疾病的動物。亦應時注意。

四要調查生死

衛生行政的設施。須按社會之衛生狀況而定。社會衛生之狀況。端賴人事統計。以爲標準。故調查生死。疾病。婚嫁。實爲衛生警察的唯一重要職務。按統計的價值。全在乎徵集材料的精確。而欲徵求精確的材料。必須不憚煩勞。和顏悅色的。詳細詢問。方能達到目的。至於敦促醫師。助產士。醫院。依照部頒格式。按時呈報。生死疾病。並調查其他關於衛生行政的近時狀況。亦應切實辦理。

五要勸告種痘

按天花並不是「胎毒」。乃是一種很厲害的急性傳染病。不論貧富老少。都可以患此病。又沒有特效治療法。患者一百人中。安死亡三十六人。以至七八十人。小兒更多。幸而不死。不是麻臉。就是瞎眼。惟有按照部頒的種痘條例。按是種痘。

方可免得傳染。所以應當勸告大家。對於兒女。務必按時種痘。則天花自然沒有了。

六要檢查飲食

飲食物品不潔淨。最易發生疾病。古人有一句話說「病從口入」。實在是不錯的。市上所賣的飲食。往往有害於衛生。故必須妥為檢查。方准出賣。以保健康。檢查飲食。應注意下列各點：「一」食物的清潔來源。「二」食物的新鮮腐爛。「三」食物的保護方法。「如玻璃罩蓋」。「四」食物的摻假冒充。「如牛乳水麪摻白土」。「五」食物的保存方法。「如有用毒的腐劑」。

七要取締巫覡

男女巫覡。及其他假藉神仙鬼怪。治病的人。騙人錢財。還是小事。貽誤病人。其害實大。按疾病的原因甚多。或用病菌傳染。或因用生理失常。應請著名醫家診治。斷沒有求神問鬼能治好的。現在有些廟宇。印許多藥方。叫病人抽籤求方。按方

服藥。這更是危險了。所以應當切實取締。以免誤害社會。

八 監督醫業

行醫助產。本爲救濟疾病的事業。然多有藉此專爲糊口之計。不管自己對於醫學。有沒有研究。即懸壺問世。這是對於社會限危險的一件事。應當嚴行取締。尙有不道法的醫師。助產士或接生婆。只和愛錢。不顧人命。行墮胎術。及其他不正當的行爲。更應嚴加取締。至於醫師。助產士。應於官廳應盡的義務。如報告生死疾病等等。亦應督促其奉行。

九 要嚴查藥商

服藥原爲治病。藥商所以輔助醫業。故亦負責救濟疾病的責任。切不可專求爲利。而不顧道德。但有許多藥商。往往拿不好的藥。充當好藥出賣。或竟有藥裡摻假的。對於病人的危險極大。非嚴行取締不可。近年又有藥商敗類。幫助仇敵。及他國流氓。消售違禁物品。以致許多人。被其戕賊。禍國殃民。莫此爲甚。更應當嚴

密查禁。以期肅清毒物。

十 要注意殮葬

我國迷信陰陽風水。對於埋葬死人。多違反公共衛生的原則。或久停不葬。待擇佳城。或任意亂埋深淺。漫無限制。地占數畝。僅葬一棺。或尋尺之地。叢葬數塚。不良習慣。不一而足。無國民經濟。及公共衛生。有莫大妨害。衛生警察。均應隨時勸告。加以指導。並宣傳公墓的利益。以打破舊時觀念。至於因傳染而死的。則非察其實行清潔消毒方法後。不可任隨意殮葬。

十一 要禁止娼妓

花柳病。包括梅毒、白濁、軟疔。三種而言。最厲害的是梅毒。可以傳染三世。其次就是白濁。據美國調查男女。不能生殖的病。百分之八十以上。是因為患白濁的病。花柳病。實為人口增殖的有障礙。而娼妓實為傳染花柳病。唯一的媒介。故欲斷絕花柳病。非禁止娼妓不可。現在有些省市。雖日實行禁娼。而私娼是一時在所

不能免的。尤須嚴密查禁。

十二要輔助病人

救濟疾病。亦是公共衛生的事業。故衛生警察。對於社會上的病人。尤其是貧窮的老百姓。在管轄範圍內。應與以切當協助。或施以救急治療。或送入醫院。務使病人早得治療。其餘衛生警察。應辦的事很多。要在切實調查。隨時指導。衛生行政。方能順利的向前進行。

家庭常識

沈仲圭

無錫華文祺。譯日醫無藥療病法一書。丁福保採入醫學叢書。其卷尾有「無藥療病法之餘談」十則。詢屬家庭應有之常識。爰節錄之以實本刊。雖若泰山之微塵。或非無補於醫學。

〔一〕冬日出外。當先於鼻孔。少吸入冷水。隨即吐出。以乾布片拭之。又以浸冷水巾。幾度摩擦頸之周圍。更以乾手巾拭之。如是閉口外出。則不惟不易感冒。

且斷不在罹氣管支加答兒之症。「即氣管支炎」此之謂隱襟圈一。

〔二〕凡以手入水之後。當以乾手巾。拭至全無溼氣爲度。更以兩手之背及掌。互相合擦。約二分時許。則可免龜裂之患。此謂「無形之油」。

〔三〕每閱一時間。閉口爲深呼吸。十五息。按呼吸宜緩而長。細而靜。如古人所稱之龜息。方有大益。如斯永久行之。則心肺自不易罹病。此之謂「不用錢買之靈藥」。

〔四〕身體受跌打損傷時。類以醋滴注而冷之。則頗有消炎之效。此之謂「隨在可得之膏藥」。按如出血多者。以生半夏末敷之。則可立止。

〔五〕胃中積痛之際。飲酒一二小杯。則痛可大減。此之謂「無藥之注射」。

〔六〕呃逆不止之時。紙捻以刺鼻孔。使發噴嚏。則可立止。此之謂「人工之醫」。

〔七〕便秘之人。每晨飲冷沸水一盃。大可爲調整通便之助。此之謂我家之下劑。「按更宜勤加運動。多食蔬菜。按時如廁」。

〔八〕入床之後。仰臥而伸其手足。用力達於兩足之指尖。屈其手指。而數一二三四五。則不知不覺之間。自然酣睡。此之謂「自然之安眠藥」。按或溫水沐足。或靜鐘聽聲。皆能入睡。若濫用藥物。反易釀成習慣。

〔九〕煩悶不堪之時。往復行四五十丈之道路。則精神自然快爽。此之謂「憂之掃帚」。

〔十〕夏以瓜水。冬以菜蘆汁。洗面及手。則顏色自艷。此之謂「田圃之美顏水」。按古有駐顏之法。卽以唾津擦面是也。

以上爲原文。略參鄙意。以盡其餘蘊者。今更補綴二條如左。

〔十一〕清晨臨睡。各叩齒三十六次。並於大小便時。咬緊牙關。不發語言。則一無牙痛之患。而齒亦彌覺堅固。此之謂「我之牙醫」。

〔十二〕夜臥取側睡姿勢。並屈兩膝。可免夢遺之患。此之謂「自家之醫藥」。

說無藥療病法

名譽理事 秦國楨

自古迄今。生理衛生學不知考求。故世多疾病。使吾人能遵內經可言攝生法。自可却病延年。由此溫故知新。講求新學說之衛生。非特百病莫侵。且能強種強國。而今之人士。亟亟焉以慕勢攘利傷其神。奔走衣食勞其力。色慾食慾戕其身。竟將衛生方法。置之腦後者。其故在於不明生理學耳。生理學不明。則衛生學說雖經寓目。卒未見其能根本根本研究也。

近來各國人才傑出。研究衛生。發明醫藥。日新月異。現今譯著無藥療病法。精神衛生論等書。足以擴智識而益身心。所謂無藥療病法者。乃從於自然之理法。利用日常生活所必需之飲食。空氣。日光。及運動等之大益。而絕不用有特別臭味。或甘味酸味等之藥物。以求治療也。如誤解無藥二字之義。以爲無論何種疾病。皆可不藥而愈。則失無藥療法之真意矣。凡人之有疾病。藉藥物而後治者。十之八九。惟肺癆病。神經衰弱病等症。斷非藥石所能奏全功。必也吸鮮空氣。調養飲食。悅樂心志。休養精神。及得日光運動等之利益。即不藥亦能自愈。雖間有服藥。

而亦不過爲治療之副作用耳。

夫患病延醫服藥以治之。此固人人所知。而病之求愈。賴於調養者。居其大半。則知之者鮮。白香山養生語。所說病有十可却。十不治之理由。萬病回春。有病家十要之法語。而人之夙疾難愈。易於促其死者。皆由以病爲念所致。在患病者。固無日不以病爲苦。而一家之中。有切膚之痛者。對於病人。或爲憂泣。或露愁容。則其病之日益加劇。勢所必至。雖日日服藥。終不見功。據此一端而論。則家庭中精神衛生學之不可不講也。故無藥療法。除藉空氣、日光治療外。勿以病爲念。勉行運動。滿行樂天主義。注意飲食及按摩術之種種療法。總之。善於自治者。藥半而功倍。不善自治者。藥倍而功半。若患疾苦。而專賴於醫藥。則得半失半矣。

(病理類)

鼠疫病理之研究(續前)

理事 時逸人

(二) 診斷

二曰當審其脈象也。凡初起發熱。病在太陽。則有太陽之脈。病在少陽。則有少陽之脈。病在陽明。則有陽明之脈。惟鼠疫身雖發熱。而脈則或沉或伏。或微細。或代止。或模糊不清。或緊急而亂。似陰非陰。似陽非陽。此謂脈不對症。遇此脈象。可用黃豆或黑豆。令生嚼之。外感証則腥。鼠疫則甜。且脈象之大可異者。一日之間。有時沉重。有時清爽。診脈於沉重時期。則敗象畢現。診脈於清爽時期。則脈象又順。如出兩人。頗難下斷語也。

二曰初病即昏迷也。傷寒傳經。必二三日至陽明。方有譫語。方有驚搐。及熱深厥亦深。方有昏厥時候。惟鼠疫一得病。即人事昏迷。或多沉睡。或夜寐發驚。或譫語如狂。或心竅如有痰迷。或目珠忽然不順。或面白如紙。或面黑如炭。一言而決之。曰。總有昏昏沉沉氣象。且雜症發熱輕而緩。鼠疫發熱重而急。此可以意會而得者。尤可異者。人雖昏迷。遇清醒時。又極清醒。令人難以摸捉。與他種發熱。漸漸而來。實有分別。

三日當察看身體也。凡鼠疫之朝病而暮死。急迫不及延醫。尙可委之天命。至於三日五日方死者。於核未發時。不誤作他病。未嘗無法調治也。中醫治病。半憑診脈。半憑問症。而手足胸腹。未有驗看。不免簡略。凡鼠疫症。核雖未起。亦藏在皮肉之內。未經摸索。何從知之。故察看發熱症候。心有疑難者。必將其兩脇胸腹。及手罅足罅。用力按之。間有生在頸上者。不按不知。若有長區形式。隱在皮肉內者。約一二日。卽行將核發出。累試不爽。至其辨別之法。核之發現處。如頸部。腋部。胯部。大膀。大腿處。未發見核之前。則其處必較週身之熱更甚。此之謂局所更熱也。傷寒表熱甚。身裡陰面不甚熱。且無胸悶欲嘔之症。見於未發寒熱之前。雖溫熱由裡達表。亦無局所更熱之別。似宜以胸悶頭暈咽阻。爲報信之使。惡寒內熱。夜熱氣粗。爲第二之使。局所之特別熱。爲第三鉄証也。〔未完〕

瘟疫病理之研究

前人

〔一〕略史

第五十二期 彙編門

五十一

瘟疫病症。在上古時期。已傳染最速。蔓延極廣。如內經曰。「五疫之至。皆相染易。無論大小。病狀相似。」是也。所載五鬱之發。及五疫之治。選用小金丹等方。可見古代醫者。亦曾努力於防疫之工作。仲景治疫之方。雖不傳。而微言大意。散見於傷寒之中。經喻氏注釋。明判其成瘟之理。有功醫學。實非淺鮮。殆昔時所傳神明散。螢火丸諸方。用烏頭、白朮、附子、螢火等味。以治瘟疫。誤謬極矣。唐宋以後。則稱爲天行熱病。而東坡之聖子方。仍用附子等辛燥之品。豈非怪事。至龐安常之治法。初用指膏火灸。二日用解散法取汗。三日不解復汗之。四日用藜蘆丸微吐。愈不愈改用瓜蒂散吐之。尙未了了者。復用法針之。七日熱已入胃。乃以鷄子大黃湯下之云云。其淺陋顛預之處。詢不足以窺瘟疫之門徑。明之吳又可。清之戴北山。周揚載等。研究瘟疫。不無有發明之處。足超過前賢者。故本篇資其先導。以求進益。以上諸家論瘟之大槪。

〔二〕病源

病之發生。必有所源。西醫藉細菌以眩耀。吳又可氏謂爲天地間一種雜氣及戾氣使然。精氣戾氣與細菌其意等也。愚意以爲疫癘之至。必根據于氣候之變遷。故內經以五疫之至。基于五鬱之發。可爲明証。六氣之偏勝。皆足以醞釀而爲瘟疫。說者以六氣之偏勝。非疫也。六氣偏勝。化爲毒火。方始成疫。此意根據喻氏所云。「四時不正之氣。因而致病。初不名爲疫也。用病致死。病氣尸氣。混合不正之氣。斯爲疫矣。」其實瘟疫之傳流。非毒火二字。所能色括。晉多寒疫。「見叔和序例」。唐多風冷。「病源外台等書」。宋末多中氣衷陷之疫。「見東垣論內傷」。崇禎間多濕濁內壅之疫。「見吳氏瘟疫論」。清代多邪火內灼之疫。「見余師愚戴北山五孟英諸家」。可知六氣之偏勝。非誣妄也。或疑虛實寒熱之辨別。在病人體質上辨別之。不當名以爲疫。是又不然。疫之傳染也。如風雨之暴至。猝不及防。謂受邪有輕重之異。正氣有強弱之殊。則可謂無火之體。不受熱疫。無濕之體。不受濕疫。則不可。蓋空氣中成分之變化。其傳染於人之體。中關係至巨。

此愚所以主張氣候之變遷。爲疫症之主體。(未完)

(診斷類)

中醫脈學之大革命

仰道子

(一)導言

咳。中醫界的同志們。請甦醒罷。我在這國醫危急存亡的今日。先同大家談幾句開心話。再把我對於脈學的意見。供獻出來。然後請大家的指導。給以月旦。或可博得大家。許我以謔語兩字的定評。亦還尙未敢必。但是。敝人一向。是不好說話的。而且。尤是不會說話的。故自問。以半癡似的我。幹這三指禪的生活。亦曾飽嘗見三十九年之非的滋味。纔曉得浮生若夢。羞以語人了。那堪托足於四面楚誦的國醫界。充當那催眠式的醫學教授呢。又那堪配與大家來談這國醫的脈學呢。雖然國醫之關於現在的社會。脈學之關於現在社會的國醫。實有不敢已於言的必要。故。敝人的主張。吾儕想在競爭裡。求國醫學的生存。非拿出革命的精

神來。先喚醒一般的病家。同時在打倒醫療家。迷信脈學的心理不可。

（二）學說

試看中醫對於病者的診斷法。把那撓骨上的動脈。區定出寸關尺三部來。又強把部有四經的根據。拿來作譜系。所以就分配了些。什麼那左心小腸肝胆腎。又什麼那右肺大腸脾胃命。的次第排列起來。自然也是師承相沿。很像班班可攷的。故千百年來。凡有遺傳性的醫生。誰不是奉若金科至律的。牢不可破呢。就連那一般病家的腦海裏。尤其是萬分的迷信一像。此種學說。總是包羅萬有的秘寶吧。但是教者。等於癡人說夢。學者。如墮五里霧中。縱盡畢生的精力。終難一獲及格。而且皆同時虛心自貶的。不是說自己的經驗太少。便是怨自己的天分太差。從無一人往那學說問題上。參以絲毫的非議及設想。可見這寸口上。分配藏府的診脈法。雖是一種愚民政策。然早已形成鐵案難翻。再無研究的餘地了。完未

（診治類）

治病序例 續五十一期

腹痛

因於寒 忌苦寒 下利 諸藥具見前 宜溫中 辛散 如白朮、原朴、乾姜、吳茱萸、肉桂、炙甘草、木香、縮砂、橘皮之類 因於熱 火在少腹 則絞痛 忌辛熱 香燥 補飲 諸藥俱見前 宜甘 苦寒 如山梔仁、麥冬、石斛、白芍、甘草、桔梗、黃芩、黃連、滑石、木通、戎鹽之類 諸痛不可按 屬實 忌補氣、大熱 諸藥俱見前 宜破散 疎利 苦寒 如枳實、青皮、枳榔、三稜、滑石、蓬莪朮、木通、大黃 有積滯宜用 無者勿用 諸痛可按 屬虛 忌破氣 破血 下利、發散 諸藥俱見前 宜補血 甘溫 酸飲 如人參、黃香、二朮、地黃、當歸、炙甘草、白芍、山藥、酸棗仁、五味子之類

痺拘攣而痛也 用風寒溼三者合而成痺 風氣勝者為行痺 寒氣勝者為痛痺 溼氣勝者為着痺

忌下、收斂、酸寒、苦寒、鹹寒、諸藥俱見前、宜辛散、行氣、燥溼

甘溫、淡滲、如漆葉、續斷、黃耆、甘草、菊花、草薺、防己、白朮、防風、羌活、獨活、

秦艽、牛膝、木瓜、天麻、茯苓、澤瀉、葛蒲、車前子、桑寄生、狗脊、蔓荊子、杜仲、白蘚皮、

石斛、細辛、松節、松葉、原蠶沙、威靈仙之類、

痿屬溼熱、經曰、治痿獨取陽明、

忌破氣、升提、辛熱發散、諸藥俱見前、宜大補氣血、清熱除濕、甘寒

甘溫、苦寒、酸寒、如人參、黃耆、二朮、炙甘草、地黃、麥冬、白芍、木瓜、石斛、

薏苡仁、黃蘗、茯苓、澤瀉、車前子、木通、黃連、黃芩之類、

交腸、其病大小便易位而出、或因大怒、或因醉飽、遂至臟氣乖亂、不循常道、法當

宜吐以開提其氣、使闕門清利、得司秘別之職、則愈矣、

忌破氣、燥熱、諸藥具見前、宜升清、降濁、兼補氣、淡滲、如升麻、柴

胡、蘇子、澤香、紅人參、白朮、茯苓、澤瀉、猪苓、木通、滑石、車前子之類、

鬼症尸症、飛尸客忤、此係天地陰邪殺厲之氣、乘虛中人、或偏身青黯、或忽消瘦、聲啞、面色青黃、不定、或忽驚厥、目直視、手握拳、或編身骨節、疼痛非常、

忌破氣、復忌補氣、升、燥熱、酸飲、諸藥俱見前、宜辟惡氣、安神鎮心、辛香發散、金石鎮墜、如牛黃、丹砂、蘇合香、天竺黃、琥珀、沈香、龍腦香、乳香、安息香、檀香、木香、麝香、真珠、雄黃、鬼白、龍齒、犀角、金銀箔、虎骨、代赭石、天靈蓋、獾肝、生地、葛蒲、遠志、之類、

疫症用藥法程

徐相任

內治九法

〔一〕芳香逐穢 初起、心作噁、頭額眩脹、疫氣初入上焦氣、分宜用此法、藥分輕重、其一起即昏、昏欲閉者、尤非重藥不可如、

- 豆豉、銀花、花露如玫瑰佛手、建蘭葉、省頭草、以上重、
- 水安息亦可、中國冰片洋冰太熱勿用、杜麝香

古方諸葛行軍散。八寶紅靈丹。拙製清涼入寶丹。以上重。皆可選用。

愚案疫之原因。雖不一致。然要之。無非穢濁之氣所成。是以防疫。貴乎清潔。用藥最宜芳香。苟能初起用之。不難立時消解。則中後段之清熱。行瘀。通大便。開內竅等。焦頭爛額之輩。皆無由而作座上客矣。首列此條。閱者注意。

〔二〕以濁導濁。中後段病在中下二焦。非芳香搜剔所能盡。宜用此法導之。使從大小便去如。

中白 走前陰 中黃 金汁 走後陰 皆可選用
愚案此法治疫。與劈香逐穢。可謂相得蓋彰。同工異曲。

〔三〕解毒疫始終宜用。先氣後血。先輕後重。如

綠豆、銀花、甘草、甘菊、牛蒡、以上重。
雄黃、甘中黃、射干、山豆根、青黛、板藍根、大青、甘蕉、羚羊角、以上重。以上氣分。

第五十二期 專述門

六十

元參、蒲公英、紫花地丁、夏枯草、以上輕。

杜牛膝、牛黃、犀角、金汁、以上重、以上血分、皆可選用。

愚案疫必有毒。其氣然也。傳染於人。其毒即能化而為熱。故毒為本。而熱為標。徒清其熱無濟也。觀於鼠疫約論。往往佐以犀羚見功。求真之用牛黃。概可知矣。

又案以上三法。皆所以治疫之原實不祧之法也。

〔四〕清熱 疫毒入裏。則必化熱。頭緒最多。治宜分別。如

銀花、連翹壳、竹葉、蘆根、山梔、黃芩。

皆主肺家氣分有表熱。而口乾。輕者宜之。

石膏、臘雪水、川連、知母、兼能入腸利大小便

皆主胃家氣分。苔黃大渴。自汗裏熱。重者宜之。

茅根、丹皮、連翹心、竹葉心、元參、以上輕。

鮮生地、柴草、犀角、川連、以上重。

皆主心家血分。舌絳或神昏者。

愚案外感入裏。無不化熱。疫氣毒烈。燎原尤易。未見疫症。用清涼。較他病為獨重。

〔五〕活血行瘀。全看核之有無多少大小。以定用輕重。如核未見。有舌色青紫。

大便黑色。小便自利。見症亦可用。如

藕、山查炭、牡丹皮、赤芍、荒蔚子、以上輕。

藏紅花、杜紅花、生蒲黃、鬱金、蘇木、桃仁、延胡索、牛膝、以上

次之。

杜牛膝、大小薊、琥珀、麝蟲、以上重。隨症輕重選用。

愚案血瘀一症。在他病無不因熱極所致。在疫病則更有氣閉。而血隨瘀者。瘀雖一而因有二。以病情言。則因氣閉者速。因熱結者緩。以治法言。則氣閉者當

以芳香為主。行瘀可以無須。熱結者當與清熱同用。而相其孰重孰輕。以為差多。差少之則。

〔六〕開內竅。熱毒入心包絡。神昏宜用此法。如

九節菖蒲、鬱金、牛黃、牛黃丸、至寶丹、紫雪、隨症輕重選用。

愚案此法與芳香逐穢。看似相同。而細按之。自有分別。

〔七〕通大便。大便不通。或腹脹痛。或熱結旁流。或譫語。宜用此法。如

大黃、芒硝、金汁、皆可選用。

〔八〕通小便。心肺熱重。小便不利。或竟不通。如

滑石、車前、生用尤良木通、皆可選用。

愚案以上二條。皆為裏熱熾盛。清之不能。故用釜底抽薪法。

〔九〕通經絡。用之為引。可以直達核子所在。如

絲瓜絡、僵蠶、角刺、山甲、隨症選用。

外治四法。

〔一〕取嚏。古方臥龍丹。拙製萬應開關散。

〔二〕刮。胸背四肢最佳。其餘關節亦可。所以宣衛氣也。

〔三〕刺。曲池委中等處。情精於針科者。爲之。所以泄榮熱也。

〔四〕塗藥。約編經驗塗藥。及拙製一筆消。皆佳。塗核子上。

愚案鼠疫約編。載小兒不任服藥者。可以塗法療之。愚意小兒既單用外塗可愈。大人亦何不可用塗。以分其勢乎。况塗非刺比。有益無損也。

愚案以上諸法。皆治疫之正法也。鼠疫如此。肺瘟亦不外乎此。卽其他諸疫。亦未始不可以類推也。其兼表邪者。審係風熱。牛蒡、薄荷、可用。審係風寒。紫菀、荊防、爲宜。又有痰盛之體。疾助疫毒。爲虐。腕悶或嗽。或喉中有痰聲。略之不出。咽之不下。則。學薺、大貝、苦杏、竹茹、冬萊菔、竹瀝、海蛇、硼砂、芒硝、橘紅、胆星、製夏、皆可隨症。選爲佐使。推而至於傷

食者消食。停濕者利濕。兼症而與本症有關係。即不能置之不議。若夫熱痛之後。津液必傷。苔淨脈小。滋養可投。生津增液。又善後應有之手續。如上諸條。雖非治疫之正法。而亦疫病所常兼。連類而及。不可不知。其疫與病絕無關係者。概屏不錄。以清界限。而免混淆。(完)

新擬治渴消驗方

張錫純

消渴一證。古有上中下之分。謂其証皆起於中焦。而極於上下。究之無論上消中消下消。約皆渴而多飲多尿。其尿有甜味。是以聖濟總錄論消渴。謂渴而飲水多。小便中有脂。似麩而甘。是以西人名有糖尿病。至謂其証起於中焦。是誠有理。此証實因中焦脾病而累及於脾。蓋脾爲脾之副臟。在中國醫書名爲散膏。即秦越人難經所謂脾有散膏半斤是也。〔脾尾銜接於脾門。其全體之動脈。又自脾脈分支而來。故與脾脈有密切之關係。〕有時脾臟發酵。多釀甜味。由水道下陷。其人小便遂含有糖質。迨至脾病累及於脾。致脾氣不能散精達肺。〔內經謂脾氣

散精上達於肺。」則津液少。不能通調水道。「內經謂肺通調水道。下歸膀胱。」則小便無節。是以渴而多飲多溲也。嘗閱申報。有胡適之者。當世之文豪。因病消渴。求治於北平協和醫院。久而無效。懼而還里。亦以爲無藥可醫。其友勸其延中醫治療。服藥竟愈。所用方中。以黃芪爲主藥。爲其能助脾氣上升。還其散精達肺之常。金匱有腎氣丸。善治消渴。其方以乾地黃。「卽今之生地黃。」爲主藥。取其能助腎中之真陰。上潮以潤肺。又能協同山萸肉。以封固腎關。向因治消渴。曾擬有玉液湯。「方載第三期。衷中參西錄第二卷。」方中以生山藥爲主藥。屢試有效。近閱醫報。且有單服山藥。以治消渴而愈者。以其能補脾固腎。以止小便頻數。而所含之蛋白質。又能滋補脾臟。使其散膏充足。且又色白入肺。能潤肺生水。卽以止渴。又俗傳治消渴方。單服生豬胰子可愈。蓋豬胰子。卽豬胰脾。是人之脾病。而可補以物之脾。此亦猶鷄內金。諸家本草。皆謂其能治消渴之理。鷄內金與豬胰子。同爲化食之物。因愚集諸藥。合爲一方。以治消渴。屢次見效。因名其方。爲滋

脾飲。今特詳錄其方於左。以備醫界之採用。

生箭芪五錢 大生地一兩 生懷山藥一兩 淨黃肉五錢 生豬胰子二錢 切碎

右五味。將前四味煎湯。送服豬胰子一半。至煎藥渣時。再送服餘一半。若遇中上二焦。積有實熱。脈象洪實者。可先服白虎加人參湯數劑。將實熱消去強半。再服此湯。亦能奏效。

天津盧抑甫君。評此方云。按糖尿病一証。在西醫病理上之研究。由於脾臟之島。組織萎縮。製造內分泌物之機能減却。故對於副腎之內分泌物。亞篤列那林。助肝臟造糖之過勝技能。不能制止之。用而血液內含糖量過多。以致尿內亦含有糖質。西醫起初無適切之治法。自西曆一千九百二十年。西醫邦廷古氏。由牛馬豕等之臟脾。抽出其內分泌物。名曰依蘇林。注射於皮下。或靜脈內。能使血內過量之糖。立即減少。雖至病劇。陷於昏睡時。亦有起死回生之望。今先生治糖尿病之處方。內有豬胰子一味。屬於古來臟器療法。與現今西醫之內分泌療法暗合。

但古人止知以臟補臟。不知其有內分泌物之作用。又內服之法。不如注射。因經口入胃。其有效成分。爲酸性胃液所破壞。卽難奏效。注射則成分直達於病所。其奏效必確。如除去豬胰子之脂肪結締織。及蛋白酵素。製成水製流膏。使其僅含有抗糖物質。再加鹹性液。以防制其胃液之酸性。則內服之缺點。可以免去。病人不欲行注射者。當以此法爲最良。中國古方。治糖尿病。有黃芪湯。與八味丸。以新學理解之。必有使糖量減少之作用。至於何種藥味。有此作用。尙待研究。此時難以指定。日醫博士。上條秀介。曾於中藥何首烏中。抽出一種有效成分。名之曰巴利狗寧。以治糖尿病。確有減少糖質作用。黃芪治驗報告。東西醫界。甚爲驚異。我國醫家。如能於黃芪湯。八味丸。抽出某藥成分。証明有減糖質作用。則上條秀介。不能專美於前矣。然而未能抽出者。科學落後。其程度不如人。以哲學藥性。治哲學的病理。則終於哲學的範圍而已。先生此方。由黃芪湯。與八味丸。脫胎變體而來。有以醫製方之精神。又加豬胰子之臟器療法。暗合於科學之原理。此則爲現

今醫界所未有。而爲鄙人所欽佩無已者云云。

脾胃用藥之研究

(戊午年舊稿)

理事

時逸人

胃以燥納穀。脾以濕化液。胃以通爲用。脾以潤爲體。凡燥化太過。則濕運不及。古謂陽明病。如胃家實。燥屎譏語是也。若濕化太過。燥運不及。則泄瀉嘔吐黃疸痰飲腫脹腹痛諸症并作。謂太陰病者此也。東垣脾胃論。此意尙未言及。足見學問之難。人第知宜補胃陽。而不知滋潤脾陰。譬夫釜中炊飯。釜底無火。飯固不熟。然釜中無水。飯猶不能熟也。嘗見有不思食者。進理中而食更減。投增液而食即加餐。非斯意之確証乎。是故宜補胃陽者。雖乾姜附子。轉能生津。宜滋脾陰者。用知母玄參。亦能開胃。此治脾胃之大關鍵。葉天士云。仲景急下存陰。其治在胃。東垣大升陽氣。其治在脾。歷來諸大名家。無不恪奉此語。不知脾屬陰。而胃屬陽。存陰乃存脾之陰。升陽乃升胃之陽。顛倒若是。胸中毫無古書可知。且太陰從本。而爲濕土。陽明中見太陰之濕化。始能納穀。觀胃中無津液。則成膈症。不能咽物。是明

証也是脾胃互相滋潤方能納穀資生。察土地之肥瘠在乎潤燥。類推自明。窃怪市醫治不能食者。輒用香砂枳朴。燥其津液。西醫則以大黃末、啞囉、蘇打、橙皮、黃連等苦味之藥。攻便瀉火。為通行之品。助病氣而戕正氣。無怪反傷於藥。今特著為定例。不致再蹈從前之覆轍。

孕婦診脈辨

前 人

經曰。何以知姙子之且生也。身有病。而無邪脈也。

〔註〕有病謂經閉嘔吐等症。無邪脈。謂脈象如常。

婦人手少陰脈動甚者。姙子也。全〔元啓本作足字〕

〔註〕心主血。手少陰脈動甚。血液內充。故知姙子。左尺動滑。亦為孕徵。

陰博陽別。謂之有子。

〔註〕脈象寸為陽。而尺為陰。尺寸皆搏動有神。此為有子之徵兆。

〔仲景〕婦人得平脈。陰脈小弱。無寒熱。不能食。名曰姙娠。

脈經曰。尺中腎脈。按之不絕。是妊子也。

難經曰。三部浮沉正等。按之不絕者。孕也。

崔希範曰。尺脈滑利。妊孕可喜。

脈訣曰。尺大而旺。有胎可慶。

又曰。寸微關滑尺帶數。往來流利並崔啄。皆孕脈也。

馮楚瞻曰。體弱之婦。按尺不絕。與人病脈不病。皆為有子。不必動搖與滑疾。以體

弱而脈難顯也。

沈堯封曰。按尺堅實。即為有子。

王孟英曰。尺脈滑疾。皆為有孕。

郭梧軒曰。沉濇而伏。乃氣鬱非孕也。

曹仁伯曰。經閉有應有實。實則少腹多痛。脈象非革即瀉。應則少腹如棉。脈象非

微即細。若論懷胎。少腹似屬有形。按之不痛。脈滑且疾。搏而有情。加以擇食惡

食惡心喜酸等。以意逆之。雖不中。不遠矣。

史載云。肝脈濇而不絕。尺脈微陷。心脈滑。是有孕。

近賢俞鑑泉曰。尺寸之脈。稍見搏滑。即為孕徵。若弦而濇。洪而動。皆病脈也。

意園讀醫書筆記曰。肝脈濇而不絕。尺脈急長。牢堅。為敗血。為積血。宜攻下。

辨孕之法。以身有病。而無邪脈。身無病。而有病脈。最為切當。如經停之後。病吐逆

而寸脈不浮。關脈不弦者。為孕。寸浮為痰。關弦為肝亢。皆為病也。病惡寒。而人

迎不盛。則非傷風。病惡食。而氣口不盛。則非傷食。亦為有孕。此即身有病。而無

邪脈也。又為經停之後。脈雖動搖。而心臟不悸。脈雖滑數。而身不發熱。亦為有

孕。此即謂身無病。而有病脈也。

猪脾治消渴之原理

沈仲圭

消渴西人曰糖尿。二者僉以外候定名。中醫名消渴者。以病人口渴善飲。西人曰

糖尿者。以病者溺中含糖。攷本病之原因。因脾質萎縮。內分泌停止所致。蓋脾有

兩種分泌。一曰消化液。輸入二十指腸。以消蛋白、脂肪、澱粉諸質。一曰內分泌。功能減少血中糖分。若脾臟病。而內泌減少。則血中糖分。逾於常量。〔平人血中含糖千分之二。此症增至千分之四。〕不得不由腎臟濾出。此尿液所以味甘。尿量既增。糖質益濃。乃取外界之水。以稀釋之。此病者所以苦渴。〔金匱飲水一斗。小便一斗。二語。深契病理。〕且食物中之砂糖。縱隨入隨出。毫無積貯。而身體所需要者。初不因之減少。乃先取肝糖。〔靜脈經過肝臟。即攝取其中糖分。〕貯于細胞。而供血糖缺乏時之補充者。是曰肝糖。〔化分應用。繼則分裂蛋白。暫濟燃眉。此病人之所以多食而瘦。特病原既屬藏內泌中止。則治療方鍼。自必取動物之脾。提取內液。注射人體。俾血中糖分減少。而後消渴。方克向愈。彼邦學者。洞明斯義。研究試驗。不遺餘力。卒製成脾腺島一物。Insulin。〔以動物之脾。製煉而成。〕試諸臨牀。功效卓著。誠哉。糖尿病之要藥也。〔惟用大量。血糖發生過降。而現昏睡狀態者。宜注射葡萄糖溶液。〕

效吾國驗方。有用猪脾一枚。切作小塊。如黃荳大。生吞五六塊。多至七八塊。日服三次。數日可愈。斯與脾腺島新藥。若合符節。惟一取動物之脾。加以製造。一則限於猪脾。而用原質。微有不同耳。

本會介紹醫報

書	學	雜	誌
各報名稱	全年期數	價目	發行地址
紹興醫學月報	十二	一元	紹興石門檻醫藥報社
醫界春秋	十二	一元	上海雲南路安康里醫界春秋社
醫藥新聞	七十二	二元	上海法界薩坡賽路豐裕里醫藥新聞報館
杏林	十二	一元	廣州大德路醫學專學內杏林醫社
新醫學月刊	十二	二元	天津東馬路新醫學會
上海醫報	五	一元	上海西門石皮弄上海醫報社

醫案門

醫案平議

續五十一期

張山雷

又長興顧玉岩六十歲。傷寒經數醫。頭疼骨痛已除。面自熱煩躁。發赤斑。漸至如狂。祖愚診之。六脈沈數有力。目瞪直視。口噤無聲。舌黑芒刺。四肢冰冷。問其大便二十日不行。平雖高。而脈有神。遂投大承氣湯。目閉昏沈。閱二時。腹鳴而下燥屎。僅存一息。乃以人參麥冬。歸芍。芪朮。調理而安。

〔平議〕陽明熱結。而不知清解其裏。再與發表。則胃中鬱熱。游行於表。而為發斑。人多以為陽明胃熱之應。有頤則謂此皆多服表藥。裏熱外達之壞症。故善治裏熱者。決無發斑之候。仲景書中。無此字。正可見古人。未有此之病名。迨至裏熱。不得泄化於裏。而隨表藥。發見於外。斯其道途迂遠。舍近行遠。病已在不可知之數。况乎陰液灼燥殆盡。故恆人事昏迷。直視讖語。或竟嚙嚙安臥。不

動不言。已鄰於太上忘情。無聲無臭。所以發斑之症。多死少生。不易施救。此案先經數醫。未始非柴葛解肌九味羌活諸方。連啜多天。而變幻如是。所幸老骨猶健。經得諸公攻錯。尚未本實先撥。陰雖大耗。而脈未脫根。則雖熱甚厥深。口噤目瞪。猶堪背城借一。死裏逃生。祖愚治法。雖亦平常。而投藥恰當。要算有膽有識。

又祖愚治朱明字子婦。年二十。未出痘疹。患痰証類傷寒。脈之右手氣口洪滑。而數左三部沈實。蒸蒸內熱。五六日不大便。腹滿氣喘。用黃連、枳實、山查、厚朴、花粉、前胡、桔梗、瓜萸、生姜。兩服後。通身發斑。或云疑爲痘疹。延幼科商之。疹子。或云水痘。乃用炒黑麻黃、柴芍、荊防、甘草、牛蒡、蟬退、黃芩、薄荷等味。服後卽痰聲如鋸。氣不轉舒。讖語發狂。不時昏暈。又用姜汁、竹瀝、牛黃通關散。探嚏。吐濃痰數口。方醒。仍灌用藥。又復昏暈。如是三日。細斑轉而成片。嘔血數碗。後聞已死。陸以隣居往唁之。身雖冷而脈未絕。卽以牛黃丸、竹瀝灌下。少頃手足微動。又灌一丸。有呻

吟聲。四肢微溫。兩額紅色。脈大起。反覺洪而滑。陸謂此時不宜純攻純補。用人參、瓜蒌、枳實、黃連、黃芩、大黃、元明粉、徐徐溫服。用炒麩皮熨腹上。約二時。腹痛異常。卽下燥矢十餘塊。白痰稠積若干。再用獨參湯灌之。以防其脫。六脈弱甚。四肢厥冷。口不能言。精神恍惚。用參、附、歸、芍、苓、朮之類。元氣復。飲食進。調理月餘而愈。

楊素園評魏氏續類案曰。此非痰。乃溫病也。熱盛於肺。故現症如此。乃以枳朴、姜、桔傷其陰。故發爲斑疹。又以麻、黃等辛溫之劑。發之火得風而愈熾。故痰隨氣上。而昏暈也。下之太驟。元氣必傷。不得不轉用參附以救誤。復半治法。均未中肯。觀孟國治翁荳漁案。是何等手眼。知前人於溫病治法之疎矣。

〔平議〕此屬熱症。在陸初診時。右脈洪數而氣喘。固是溫病。熱在肺胃。然左脈亦沈實。而腹滿便閉。則裏已結矣。祖愚用藥。殊未大誤。惟清泄肺胃。而嫌不及。且可用潤腸通泄。以滌其實。而僅用山查、瓜蒌。力量太薄。又枳、朴、黃連。稍失之燥。生姜則不着落。楊氏遽以傷陰責之。竟謂發斑卽由此藥所誤。必不足以服。

祖愚之心。况是藥甫及兩服而已發斑。其人之不大便者。又五六日。則前手投藥。或更有柴葛表藥在其先。致今胃熱熾出於表。亦正難言。迨幼科誤斑爲疹。專事溫升發泄。宜乎提起痰湧。譫語昏狂。且致嘔血。升散治斑。爲禍如是。可知宋元明人。慣用葛根升麻湯之害。而近人書中。猶有稱升葛。可治陽明發斑者。豈非殺人之利刃。厥後昏暈幾絕。計惟有大劑清胃解毒。如紫雪至寶之類。庶爲近似。祖愚止用牛黃丸。尙嫌力量未逮。又其後之三黃加參。尙不甚謬。而楊謂下之太驟。却亦自有其故。卽以王金壇治余太史例觀之。始知河間直格一案。非大有閱歷者。不能道其隻字。及至燥矢已去。脉弱肢厥。自然非用參附。不能並挽垂絕之陰陽。病則十死一生。極到可驚可噩之地位。藥則確黃參附。費盡九牛二虎之精神。楊謂未盡中肯。固亦持之有理。然亦未免吹毛求疵。責備太過。要之就事論事。此案要自可傳。正惟確黃參附。暉映後先。觀有其大推大板之由。卽知因物付物之妙。素園所謂。前人於溫病。治法尙疎。實是吾國醫學

第五十二期 醫案門

七十八

進步之階級。非粗心人所能知也。(未完)

記戊辰年之黃疸症

續五十一期

理事 陳賓卿

諸証略退。脈象如故。數微減。〔百至〕泄血水。仍十六七次。色淡量少。脈長有弦象。黃而失血。脈象長促微弦。是陰血大傷。血量雖少。次數不減。是下陷之氣。仍未上升。總以泄証血証爲先決問題。原方去芥穗。加焦生地五錢。焦茵草三錢。水煎服。日二劑。三十日。三診。

中醫之代脈結脈。卽西醫不整脈中之缺止脈。〔類間歇脈而小異〕中醫代脈結脈之主病。有結代並提者。傷寒論。心動悸。脈結代。是西醫缺止脈主病。爲心臟收縮刻期間歇。二說比照。若合符節。有代脈單提者。各家均謂。代脈主諸藏氣衰。下元虧損。腹痛洩痢。吐瀉等証。與前之專主心動悸說不同。有促結並提者。脈訣謂促脈結脈。皆主氣血痰飲食等留滯之病。無主治虛衰之說。據余之經驗。促結二脈。主虛主實。應以下之三項。參互決定。〔一〕脈之神力。是否充

足。二病者形氣之盛衰。三既往証。現在証之情況何若。斷不能單就脈之中止論証施治。至促脈體象。本數與中正並見。主病各家皆以實論。如此案之脈促。數為熱盛。已無疑義。中止能謂為非虛衰乎。再中正之脈。或見於病前。或見於病後。有驚悸不寐等病者絕少。足徵不專屬於心藏病。姑錄之。以促同人之注意。

熱退神清。苔濁而乾。泄血水如故。精神憊極。聲音益低微而乾。邪氣漸退。惟大虛之候。何堪多次泄血。既熱退神清。可施以溫補固澀矣。潞黨參 五錢、焦於朮 三錢、焦柴胡 一錢、焦升麻 五分、建蓮肉 五錢、茯苓 三錢、豬苓 二錢、澤瀉 二錢、煨龍骨 四錢、米穀 三錢、赤石脂 三錢、茵陳 四錢、蒼朮 二錢。
廿二錢 浸切水煎服。二十一日四診

此證之不敢溫補固澀。全在閉盜於室。貽厥後戚。至此危在旦夕。何暇顧及善後。熱退神清。即予固補。猶不得已之師也。

瀉次量均減。血色淡。餘証同前。治泄為主。泄止津乃可回。津回再治其他証候。原

雜五十二種 醫案門

八十

方加重參朮蓮苓等水煎服日二劑 二十二日五診

苔略潤泄仍七八次量少色益淡脈如前弦象有加所幸不細不硬且有滑象原

方加重固補各品潞黨參一兩焦於朮八錢炙黃耆一兩焦柴胡七分焦升麻五

錢建蓮肉八錢煨龍骨四錢赤石脂五錢益智仁三錢車前子一錢半炙甘草二

錢水煎服日二劑 二十三日六診

泄之為病少次量少有為病退者有液竭者故雖次量減少不敢遽抱樂觀須

泄瀉止陰分始不至再奪

苔根焦濁而乾泄七八次量減少色尤淡湯粥略進黃大退聲益枯微脈象同前

〔九十五六至〕人以水穀為本湯粥略進是胃氣來復有生機矣原方加烏梅

肉二錢遼五味一錢半紅棗四枚水煎服日二劑 二十七日診

脈象弦滑數又減二三至泄淡血水四五次能知湯粥味原方日服二劑 二十五

八日診

前診湯粥略進。有納穀意。此診知湯粥味。將進而求食矣。此為真正佳象。驅體若燈。水穀若油。消耗若火。胃其為加油之機竅乎。油可入燈。燈其免熄矣。

根苔漸化。血色尤淡。飲食有進。漸入佳境。宜慎飲食。避風涼。以防感受他邪。原方去龍骨石脂智仁。加懷山藥 五錢 茯苓 二錢 水煎服。日一劑。二十六日九診

飲食失宜。泄次增多。原方加炒神麩 三錢 炒仁殼 三錢 水煎服。日一劑。二十七日十診

病証具退。惟腸胃消化力。衰微極點。飲食微有不適。即行停滯。補氣健脾劑中。佐以助消化之品。以善其後。潞黨參 五錢 於朮 三錢 炙黃耆 三錢 茯苓 二錢 建蓮肉 三錢 懷山藥 三錢 陳皮 一錢 炙甘草 一錢 砂仁 五錢 炒神麩 一錢 半鮮薑 一片 紅棗 二枚 水煎服。日一劑。二十九日末診〔未完〕

通 訊 門

全國醫藥總會建設方略芻議

續五十一期

〔丙〕藥物陳列所 藥物效能。根據其氣味。兼及於形色。而定其治病之能力。在昔〔甲〕地發現〔子〕種藥物。辨其氣味形色。以定其能治某疾。試之有效。通行全國。傳諸後世。則甲地之藥材。世稱地道藥材。〔乙〕〔丙〕等處。所出〔子〕種藥物。不論其氣味形色之如何。均目爲非地道。今者人口增多。藥物之需要。十倍往昔。〔甲〕地〔子〕種藥物。勢必供不應求。或以人事之影響。發生運輸困難。不得不旁求〔乙〕〔丙〕等處之非地道藥材。於是社會信仰。隨此不正確之見解而喪失。設或〔丙〕地之〔子〕種藥材。其氣味形色。確與〔甲〕地所產者之標準相合。而〔甲〕地因氣候地質之變遷。漸失其原有氣味形色之標準。我儕如恃〔子〕種藥物之氣味形色。以治疾病。不妨就〔丙〕地所產。逐漸試用。打破不地道之名詞。以期切

合平民需要。而使中藥之推行。職是之故。不但不先徵集全國各地所產藥物之樣品。并請報告產地之氣候地質。及每年產量。聘請專家。詳為審定其氣味形色。以定去取。而於氣候地質相同之處。移植培植。則產量多。價格平。社會易於購服。是則陳列所之設置。實為扼要之圖。將來化驗所。製藥廠。亦於所依據。進行不致困難。其他若特效藥。因陳列而易於推銷。在醫界可籍以應用真藥。在藥界可以推廣出品。是項陳列所。現已委派專員。著手籌備。深望全國藥界。熱忱相助。早觀厥成。

以上三案。在平面觀察。應由總會主辦。在立體觀察。應提前辦理。

〔丁〕學校 學校之重要。已如前段所述。各地人士之創辦者。已不下二十所。以最近之趨勢觀察之。將來中醫之學校。須分三等。而以中醫專門學校為中心。其性質為大學校。列入高等教育系內。中國醫藥之改進。而成科學化。必發軔於斯。其上設一研究院。用備畢業生。再求高深學術之需。以重禮延聘專門人材。為之

教授。以中國醫藥。由經驗而發明。歷代私相傳授。往往有萬試萬驗。不可思議奇方秘傳。流落草野術士之手。應由總會懸賞懲集。是項人材。加以實驗。確有一技之長者。供給記室。厚其待遇。以公開其不傳之秘。其成績必足驚人。專門學校之下。應設有專習所。爲速成教育。以供社會之需要。在事實方面。不能集全國之金錢。設立各級學校於上海。以供一隅之享受。而遭各地之反響。中央衛生部。管理中醫章程頒布後。私相傳授之法。必遭打擊。故各地醫會。應設一傳習所。行有餘力。不妨設立專門學校。各地省會。設一專門學校。在特別市之巨大商埠。應設一研究院。庶坦負可以平均。而學校得以普及。

〔戊〕醫院。醫院雖爲慈善事業之一種。然最足以移動社會之信仰。西醫能成。若是活動之地位。實得力於醫院居多。我中醫院。在各省及上海。已經設立。雖有數所。然與西醫醫院相較。其精神不逮尙遠。無可諱言。此固由於經費之不充。然最大原因。實爲中醫。認爲醫院。不過慈善事業之一種。而不知相形見拙。極足妨

礙社會。對於整個中醫界之信仰。嗣後不辨醫院則已。如辨醫院。勿謂我捐幾塊錢。我担任名譽院長。以極低之薪水。催用數位新畢業之醫生。敷衍塞責。已盡能事。必也先覓負責任之院長。及醫務主任。除駐院醫士外。並使全埠中醫之著有聲望者。每日到院服務一二小時。以盡義務。然後醫院之信譽日隆。醫務日盛。外界之損款。可以源源而至。為便利實驗起見。設規模較大之醫院。於上海。各地醫會應酌量地方情形。邀集各界。共同發起。(未完)

杭州三三醫社來函

逕啓者。查全國醫藥團體代表大會。由杭州市中藥業職工會代表提出。以每年「三一七」為我醫藥界永遠生死關頭之紀念日。當場議決通過。並由全國醫藥總會。令飭遵照在案。敝社全人。特將大會前後各種詳情。及文電提案。各界輿論。一一搜集。更附調查表。編印「三一七」紀念特刊。並擬繼續刊行。以資警惕。惟吾國醫藥界。對於刊物。素鮮重視。致會外醫侵略日甚。在彼邦於同業刊物。莫不

人手一編。而藥物推銷。尤賴廣告宣傳之力。爲此用敢附呈。刊樣目。請代招登廣告。及若干附印。素仰貴會熱心公益。敬希迅予見復。實緝公誼。此啓。

附三一七發刊啓

在「這風雨飄搖」狀況的中醫藥界。誰都知道對外應抵抗殘忍無理的壓迫。對內應建設腳踏實地的事業。爲「救危扶頹的唯一責職。」因這兩種責職。却不
是中醫藥界。各個份子。力量能做到的。是以這次衛生部委員會。決定消滅中
醫一案。我們集合全國中醫藥界各團體。在上海組織全國醫藥團體總聯合會。轟
轟烈烈。對外對內。有許多建議同辦法。尤其是引起許多同情的輿論。我浙江杭
州藥業職工會代表。更提出每年「三一七」。爲我中醫藥界永遠生死關頭的
紀念日。全會一致贊成。本社同人。聯想到我中醫藥。有這次的團結。此後得以保
存。「三一七」的紀念。不可不有一種刊物。一則得這次團結的精神。如輿論。宣言。
提議。討論。都是我全國有志者的心血腦力的結晶。得以人人讀到。和不致散失。

二則建設的事業。次第與辦。使全國中醫藥界。容易得知進步觀感。至調查全國醫藥界。確實姓氏字號。就是爲對外對內。抗抵建設。都易於進行。本社同人。認本刊爲所自使命如是。望我全國中醫藥界。互相幫助。

全國醫藥團體總聯合會暹羅特別分會通告書

公啓者。溯我國醫藥一道。歧黃發明於前。伊尹繼述於後。至周列入六官。秦漢亦有專秩。聖聖相傳。樹之楷模。示以南針。沿晉唐宋元明清。名醫輩出。闡發經旨。著爲偉論。代不乏人。范文正公。且等良醫於良相。誠以操死生之大柄。於人於物。爲國爲家。關係至重且大也。竊嘗論之。藥學者。實具有神聖不可侵犯之哲理及技能。其間科分內外。症辨陰陽。藥石針砭。無微不至。活人濟世之功。載藉影影可稽。非近世紀拾人糟粕。而數典忘祖者。所能夢見。我輩後學。揚勵前徽。保全國粹。精益求精。集思廣益。擇善而從。自是責無旁貸。若棄其舊。而新是謀。舍本逐末。無益忘筌。求魚矣。詎近中央衛生委員會。竟有日本西醫某氏等。提出廢除中醫中藥。

決議案。甚至不許中醫學校。列入教育系統。限止中醫登記等等。似此壓迫。將我醫藥數千年歷聖相傳之心法。掃地無遺矣。利權外益。國粹云亡。不解哀哀諸公。何輕於自棄其所固有。而易爲人所搖惑若斯也。第未經國民公認。遽行議決。其如民權主義何。是以我全國醫藥界同志。爲國粹計。爲主權計。爲人格計。不得不羣起反對。大聲疾呼。合海內外同志於上海。成立全國醫藥團體總聯合會。選派代表。向中央請願。處比千觔一髮之際。旅滬中醫藥界同志。豈忍身置事外。讓人專美乎。爲此成立分會。繼續籌備宣言。

如皋 黃星樓來函論美國亦重本草綱目

萬事爭風之美國。對喘息一症。竟亦束手無術。且無可治。藥傳聞東洋漢藥之麻黃可治。於是欲研究「本草綱目」。大有其人。曩者曾派學者。遠赴上海。搜求此書。不料該書出產地之中國。竟無初版本。風聞日本之「內閣文庫」有秘藏。乃廻棹東京。而借覽全部五十二卷。攝影無遺。現在美國。正翻版中。其實此內閣文庫

所藏亦缺七冊。唯京都之「大森文庫」所藏完全無缺。美國有知當或捲土重來。再行搜探。余實不忍見此書之缺也。現在日本某書店早計劃復刻出版。以貢獻於斯界。足見皇漢醫學研究之盛。不但日本。即歐美各國亦頗熱心提倡。而一向源流之中國。竟有漢醫廢止之論。遂見西漢醫之衝突。實一稀奇之對照。

著者按本草綱目一書。爲明萬歷初年。李東璧編葺。凡十六部。六十二類。一千八百八十種。分五十二卷。采用八百餘家。稿凡三易。然後告成。甫及刻就。忽值數終。繼由其子建元。表奏印行。誠爲濟世壽民之寶筏。觀夫現代之醫。西醫根據科學中醫多憑經驗。中西醫同是國人。因有科學經驗之爭執。於是視爲雠敵。界若鴻溝。強分新舊。互言長短。真乃一孔之見。偏執之論。故蔡子民氏。謂真理無古今之分。醫學無中西之別。求其結果之良窳。終歸于實地之經驗。旨哉言乎。我國中醫之妙理。中藥之奇效。社會公認。實非自信。如麻黃可治喘息。非中藥之有奇效而何。日本歐美各國提倡。振興漢醫者。屢出。非中醫之有妙理而

何假使中醫無妙理。中藥失奇效。自然早歸天演之淘汰。又何能延至數千年之久。日本歐美各國。亦皆提出。關於振興漢醫之問題。舍科學而求玄虛。則猶舍跨海之巨艦。而乘伏羲刳木之舟。舍踰山之汽車。而乘大禹治水之橈也。不亦愚歟。吾謂日本歐美各國。素為發明之國。亦將本草綱目。複刻出版。可見中醫藥有超世之功能。惜我國喜新厭故之徒。反辱為榮之輩。徒唱發明科學之高調。恐亦不過稗販西說而已。且有甘落人後之惡習。致將我國之國粹。竟為他人所利用。猶不知慚慙。反有廢止中醫之奇論。不免永成外人之笑柄。嗚呼。彼與我亡。已成事實。吾料本草綱目由美國日本翻印後。則聲價十倍。

王宇高復衛生部呈文

呈為提出疑點。請求解釋。以免阻得醫學之進化。而得有益民生之實際。更使我中醫。不致獨受壓迫事。竊職會奉甯波市政府案奉衛生部。第三三五號訓令內開〔中略〕

等因。奉此。職會同人。僉以此案。有碍醫學之進化。無益民生之實際。並予我中醫。獨受壓迫。確有碍難遵行苦處。當即據情。具復寧波市政府。請求轉詳層峯在案。業蒙寧波市政府指令內開。事關通案。本市未便獨異。所請應毋庸議。此令等因。奉此。職會同人。再四考慮。認屬窒碍難行。伏思當今之政府。爲國民革命。黨指導下之國民政府。一切政令之主旨。當然以民意爲依歸。况現值訓政時期。建設正奠基礎。其於一政一令。尙未施行之前。既已審慎考慮。務使確有實利於民衆。其既施行之後。亦當然詳密考查。是否施行無碍。并施行後之利弊。究屬若何。職會爲民衆之醫藥團體。既深知此令施行。確屬害多利少。徒然阻礙醫學之進化。於將來。并無裨益民衆之健康。於現在。就地之市政府。既不予轉詳。迫不得已。據實直呈鈞部。見雖芻蕘。誠切獻曝。諒鈞部亦所樂聞焉。謹陳理由如左。

一、所謂備聽箇。購注射器。用中西醫名稱者。是否獨係中醫界人。抑亦尙有西醫界人。及中西醫兩界以外之人在耶。實查各地。假借中西醫名稱。藉資號召。

者。約分三類。〔甲〕本係西醫。因營業清淡。見社會上信任中醫者多。遂假冒中醫。謬稱精研中西。以便惑衆者也。〔乙〕本係中醫。因學識講陋。慕新潮流。歡迎西醫者衆。遂並效西醫。自號學貫中西。以謀欺世者也。〔丙〕本係失意之政客。或失業之士商。以及其他於中西醫兩未入門。徒爲生計所迫。却深於世故。知中西醫并稱。適合社會之心理。遂既冒中醫。又效西醫。赫然豎中西醫之招牌。以冀損人而利己者。試一一解剖。用中西醫名稱者之內容。既各不相同。有此三類。鈞部對於中醫。用中西醫名稱者。業已通令禁止。不知對於西醫。用中西醫名稱者。及失意之政客。失業之士商。以及其他亦用中西醫名稱者。何獨縱容不禁耶。豈用中西醫號召之中醫。是招謠惑衆。遺害民生。而用中西醫號召之西醫。及政客。士商。與本係醫界外者。獨非招謠惑衆。遺害民生乎。若只許西醫及政客。士商。本係醫界之外者。可用此中西醫名稱。獨不許中醫。用此中西醫名稱。則我中醫未免偏受壓迫矣。此職會同人。所疑惑不解者一也。

(二)所謂西醫之用中西醫名稱者。屬於非正式醫師範圍。其查禁時期。須俟醫師領証手續辦理完成後。再行辦理。則中醫領証亦未辦理。是查禁時期。亦未到也。同為社會服務之醫生。一則寬至領証完成後。再行辦理。一則雷厲風行。頓時查禁。其偏袒歧視。不平等之甚。一至於此。職會同人。所不解者二也。

(三)若果將挂名中西醫。藉資號召之西醫。俟醫師領証手續辦理完成後。再行查禁。則凡是用中西醫名稱者。本係營三窟之狡兔。其狡滑手段。本甚高妙。見政府對於西醫之用中西醫名稱者。不加取締。將相率自稱曰。我本西醫也。不知鈞部。將如何處置之。若欲一併取締。則鈞部通令明明說中醫之用中西醫名稱者。應查明禁止。限定原係中醫者。在取締之列。彼既自稱原係西醫。不知部將用何術。照見其來面目。而為之禁止耶。是鈞部此次通令。於實際恐少裨益。無益實際之舉。而鈞部竟准許胡氏之請求。為之通令全國。此職會同人所疑惑不解者三也。(未完)

第五十二期 雜記門

九十四

周小農先生來函答編輯教科商兌書

徐相任君一再馳書商榷醫校教科。爲轉各醫報徵求公意。謹按秀水陸昌年氏。作清朝醫法遞變說。〔載周雪樵輯上海醫報〕。上略

至於今日葉氏之派。日盛。溫補之風漸熄。然不善學者。動輒謂人陰虛。又曰存津液。爲治溫病之主。於是清滋之藥。隨手亂投。其治外感也。既滋膩留邪。而治雜症也。亦寒滑傷脾。并引陸九芝曰。凡以清滋而加病者。其弊隱。更壞於溫補而變病者。其弊顯也。世補齋醫書中。曾痛論之。無如今日者。去九芝之世未遠。而其書又流傳未廣。醫家猶懵然不加察。然四海之內。六合之大。名賢迭出。醫道日明。必有本九芝之意。而求一盡善盡美之法者。此將變而猶待變者也。陸氏又作六氣六司天。推衍上、中、下、三元徵之前古。均有實驗。〔陸君作此說。尙在上元燥火運。〕今爲中元甲子。又值太陰濕土。太陽寒水之運。此六十年中。病既臨於寒濕。則治感之法偏清者。必此柄鑿之時。窮則變變則通。醫者如能速有覺悟。病者之倖。劉

蔚楚証治叢錄曰。醫家所謂經方。經者。正也。常也。聖道亘萬古而長存。使謂經方不可用。則五穀亦不可食。布帛亦不可衣乎。雖下愚亦無此想。由明迄清。如王肯堂。盧不遠。張隱庵。高世宗。徐忠可。尤在涇。陳修園。諸賢。尋源返本。乃重追經訓。爲依歸。時人謂之漢派。即經學派。不善學者。其弊流於辛熱。吳萸。附子。辛。薑。麻。桂。搖筆卽來。雜感病當之。溫熱病遇之。甯能倖免。吾粵有所謂五大冠者。滿口經文。下筆都是辛熱之藥。對症自覆。孟立愈。不對則去生便遠。如余一外甥女。嫁張姓。一次女。嫁鄭姓。一姐丈。澳門何梅史。皆傷其生。此數病。皆電迫余由福建東回。或中途而已聞告殞。或臨危而束手無策。祇有元炎二兒名原是冬溫。屢誤升燥。人已昏厥。僥倖救其一命。言之猶爲慄然。劉君所述醫用古方不合。時在上元燥火運中。醫者。或未推演病機耶。此偏溫弊顯之徵。

渝城鄒趾痕君。天年醫社日記云。本社所尊崇之書。惟以素問。靈樞。傷寒論。金匱要略。神農本草經。爲聖經。以張隱庵所註之素問。靈樞。集註。傷寒論。集註。神農本

第五十二期 通訊刊

九十年

草經集註爲賢傳。〔鄒君現寓北平崇內黃士大院三號。編輯中醫教本。修撰諸聖。此可商榷者也。〕

東邦湯本求真。入金澤專門學校畢業。因女死疫痢。始修習皇漢醫學。邇來十八年矣。於漢醫傾向長沙。謂長沙爲千古用力之鼻祖。然其方則出於三代聖賢之精製。長沙特集其大成耳。其方簡明正嚴。條理秩然。寬猛之治。和攻之法。無不調詳。咳備。苟能講習諳練。以精究其意。推廣其義。則萬病之治。可運之掌也。云云。此編輯教本。可採輯者也。

又按虞心炎。着中國之地理病學。〔民四中西醫藥學報〕。謂牛莊之北。嚴厲可畏。山西之西。寒厲更甚。北方醫校。依其地理病關係。或無籍乎葉奧之書。南方各省。應如何編訂教本。尊崇鄒陽宗旨。姑舍時方。摧陷廓清。是在編輯諸君。斟酌當地地理病。變通釐訂。必使有利無弊。毋稍執著。此昌年氏所謂盡善盡美之法。人同此志。拜手蘄望。謹述一二。以爲商榷編輯者告。

或謂但守五經。不讀唐宋以後之書。尊經則誠尊矣。其如病多方少何。然湯本求真明言在先。不精究。不推廣。則不能執簡卸繁。毋待煩言。

同鄉尤君。在滬就醫宗金鑑之學校肄業。後出而編醫報。應世臨診。習見地理病。學非所習。乃轉就朱少坡君餘習。再行問世。此窮變之先例也。

北平鄒趾痕先生來函

十月十三號。恭奉頒來擬定暫行規則一冊。暨皇漢醫學樣本二件。庸碌末學。久慕規模宏邁。中西並重。而尤以昌明中學爲首務。是知貴會中深造乎靈素。傷寒之道者。當不乏人。讀規則五章十八條。研究之周。練習之密。益令望塵拜舞。欽佩莫名。然後知我中醫。丁茲狂瀾既倒之秋。而猶能支撐於不墜者。實賴大會。與滬上國醫講習所。卓立不撓之力也。竊以爲中醫之精義如神。不惟鍼膏起廢。並臻却老延年。此畢生習之。躬受其賜。非徒空言而已。然之所謂中醫。非世上相對斯須。便處方藥。途近求售。不負責任之流。乃謂軒岐仲景。聖聖相傳。一貫之心法。嗟

乎逢迎求售。不負責任之醫書醫生。不知始於何代何年。迄於今。更充塞乎全國。遺笑於外邦。見輕於明哲。今我全國社會。只知逢迎求售。不負責任之爲中醫。不知不負責任之爲僞中醫。且也只知形質之醫。爲最優之醫。求其能知天人合一。形神俱妙之醫。方爲寶貴無價者。寡矣。今奉寄賜皇漢醫學樣本二冊。然後知日本。尙有湯本求真其人。視其表裏內外陰陽虛實論。可謂能知我醫聖正氣之出入升降。與邪氣之出入升降之層次大旨矣。其全書之更有進否。尙未敢知。要而言之。既知表裏內外陰陽虛實。必知何者爲正氣。出入之路。何者爲邪氣。出入之路。救正逐邪。循路而施治。又何患諸虛百勞。癱廢沉痾之不愈也。趾痕當敬佩之。此請

逸人先生道安

謹上

中醫改進研究大會

公鑒

星期徵稿選刊

傷寒論與金匱要略皆有中風病症其特殊之點安在
試切實指明之以免誤會 田爾康

攷傷寒論與金匱要略皆係仲景之所編纂。一爲治外感之書。一爲治雜病之法。界限攸分。不容含混。然二書皆有中風病症。其特殊之點。究安在哉。茲就鄙意研究如下。〔一〕攷其症狀。傷寒論之中風以頭痛發熱惡風有汗脈緩爲其主要症狀。金匱則有半身不遂。口眼歪斜。昏不識人等。此所現之症不同也。〔二〕察其邪客之處。傷寒論之中風。僅爲太陽經。金匱則有中經。中絡。中腑。中臟之異。此因邪襲之處不同也。〔三〕溯其原因。傷寒論之中風。普通外感症也。一受風邪。同時卽發病。屬純乎外感。無待於其他夾雜之相助也。若金匱要略之風。決非一朝一夕專因風邪而能致之者。必須有一定之體質。及七情之內傷。六淫之漸

侵。久之致痰涎血液之凝結。循環系乃生變化。則半身不遂。麻木不仁等症生矣。甚則因風邪之觸動。而昏憤跌仆諸險現象矣。現綜上所言。可知傷寒與金匱二者之中風。大相逕庭。其特殊之點。亦顯而易見。不特症候有殊。且也輕重有別。傷寒論之中風。是普通症。輕淺症。邪由外而內的。金匱要略之中風。是特殊症。深重症。病源已自內生。以風爲誘因的。仲景著書。一列入傷寒。一列入雜病。可以知其意矣。雖然。我中醫積數千年謬誤之葛藤。對於病名。尤屬混亂不確。茫無統系。卽如傷寒論之中風。不曰傷而曰中。既非別症之輕重。又非分邪侵六經之淺深。乃竟立名不同。雖有與仲景之曲解者曰。言中不言傷者。恐與傷寒相混也。豈知一字之同。尙恐濛混。一名之重。則不濛混耶。蓋因此等人之頭腦。以爲醫聖之言。絕無錯謬。是以不惜費神細思。牽強曲解。實爲我中醫不能進化之最大原因。望有志改革者。於中醫之病名。宜速訂正焉。

感症治法必先辨明衛氣營血而後能識外感伏氣能

識外感伏氣而後施治不失機宜同人研究有素試將病之在衛在氣在營在血各現何症治宜何法分別縷述以備治斯科者之參證

前 人

感症者舉凡病邪之由於外因者也有感而即發者有不即發而潛於內及後伏氣猖獗者審症宜辨淺深輕重處方須循先後緩急症雖有千變萬殊六經範圍可盡之邪縱然客處不一衛氣營血可眩之葉氏曰「大凡看法衛之後方言氣營之後方言血否則一循前後緩急之法慮其動手便錯反致慌張矣」旨哉斯言是誠不可不深究也蓋衛與營皆後天水穀之氣所生一為悍氣滑疾剽利行於脈外在人身之最外一層以司衛護體質也一為精氣行於脈中以司濡潤內部也衛近乎氣營進乎血肺主統氣心主發血故亦曰肺主氣屬衛心主血屬營也再言其前後之位置從身之外而數於內即衛氣營血是也由內而數於外則血營氣衛是也外感即發之病自外面入內者也伏氣晚發之病由內而達外者

也。由外入內。是以由衛而氣。而營。而血。自內達外。故必從血。而營。而氣。而衛。再次辨別其所主之症狀。各部之症雖多。而以認定其主目爲最要。凡病初起。或身熱。或頭痛。而現惡寒無汗。則知衛外之氣。不能外衛。是邪客於衛也。治宜輕清透表法。葉氏所謂「汗之可也」。是也。倘不解。而現口渴便赤。不惡寒。乃邪已客於氣也。宜投清涼宣發法。俾邪離氣。透衛而解。不至陷於裡也。葉氏所謂「到氣纔可清氣」。是也。又不解。則入營分。營分受灼。故舌絳不渴。脈象洪數。時有譫語。急宜施以清營透達法。冀邪轉表而出。以防內閉。葉氏所云「透熱轉氣」。是也。更不解。卽傳血分。血液爲邪所劫。其舌深絳。脈象急數。神昏譫語。或發痲毒雲頭等。治宜清血涼血法。葉氏所謂「恐耗血動血。直須涼血清血」。是也。辨明衛氣營血。再知各部主要之症狀。而後外感伏氣。見症卽識。施治處方。定能直搗其巢穴矣。

再按外感。由衛及血。伏氣自血達衛。雖有如斯分法。然亦不可拘執。總以見症爲憑。至伏氣血分之病。亦能以外感傳入血分之法治之。要在醫者之化裁可也。

稿甫成。同學某君閱而問曰。感症既為病之由於外因。然傷寒非感症乎。何詳六經而略斯也。茲則詳斯而略彼。豈不兩不相關乎。余曰。以鄙之拙意度之。六經是臟器局部的。所以各有其經之路。營衛氣血是一身全體的。故六經莫不有衛氣營血也。子何疑焉。

本會代售書目		編輯者	冊數	實價	郵力
靈素生理新論	楊如侯	二	三元二角	二角一分	
中醫建設問題	時逸人	一	一角五分	二分半	
肺病論	葛廉夫	三	一元六角	一角六分	
藥物學	時逸人	一	一角	一分	
溫熱病問答	靛植梅	一	五分	二分半	
黨參新研究	趙子忠	一	五角	二分半	
衷中參西錄第三版	張壽甫	二	二元三角	二角	
中國處方學卷上	時逸人	一	一元五角	一角一分	
中國病理學	時逸人	一	一元五角	一角一分	
初等診斷學	劉冤堂	二	八角	一角一分	

第五十二期 星期徵稿選刊

百〇三

第五十二期 廣告門

百〇四

本會介紹醫書

名稱	冊數	編者	定價	售書地址
皇漢醫學	二	劉泗橋	十元	上海二馬路西藏路平樂里東洞學社
臨床應用漢方醫學	一	劉泗橋	二元	同前
香巖徑	二	陸晉生	五角	蘇州鳳凰街六十八號陸宅
傷寒金匱分症方法一覽表	四大張	周岐隱	一元	寧波中醫協會
醫界春秋彙訂	三集一	張贊臣	三元	上海雲南路安康里二二七號
衷中參西錄	三集二 四集二 五集二	張錫純	二元三角 二元	天津東門裏中西匯通醫社
王旭高醫書六種	六	王旭高	六角	江蘇無錫西門外棉花巷周小農君
金匱廣義	二	嚴癩孫	一元二角	寧波慈谿費家市嚴氏學校
吐血與肺癆	一	楊志一	二角	上海雲南路三馬路會樂里幸福館
養生瑣言	一	沈仲圭	一角	杭州上華光巷五十四沈仲圭君
偽藥條辨	二	鄭肖岩 曹炳章	六角	紹興城內大街和濟藥局

中華民國十八年十二月三十日出版

編輯兼發行所

山西太原省城營精東二道街北首門牌第一號
中醫改進研究會

信實進取愛羣

一 意 注

本雜誌每兩月一册全年六册如承訂閱請寄現款郵票代價九五折扣以四分以下者為限但郵票必須間以蠟紙如無蠟紙致不能揭開者不收

價 目	價 目	價 目
全 年 六 册	半 年 三 册	零 售 一 册
大 洋 八 角	大 洋 四 角	大 洋 一 角 五 分
郵 費 九 分	郵 費 四 分 半	郵 費 一 分 半

二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

廣 告 價 目		廣 告 價 目	
頁 數	價 目	頁 數	價 目
全 頁	兩 月 一 期	全 頁	半 年 三 期
大 洋 四 元	大 洋 十 元	全 頁	全 年 六 期
半 頁	大 洋 五 元	半 頁	大 洋 十 八 元
大 洋 二 元	大 洋 八 元	四 分 之 一 大 洋 一 元	大 洋 三 元